



«Испания ттун бавкъусса билаят бур»

Испаннал билаятрай ялапар хъанай 15 шин хъуну дур Ккурккуллал шяравасса Аьдуллагьлуд душ ПатГимат Аьдуллаевал. Ивай гъантрай ПатГимат бувкун бия Ватандалийн, буттал шяравун биян.

11
лаж.



ШРИ

№15
(2233)

19 АПРЕЛЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит букай бивкссар 1917 ш.
Цунил итабакълан бивкссар 1991ш.

«Интнил призыв най дур цила къаралданий»



6 лаж.

«Илчилул» хъамаличуну хъунни МахIачкъала шагьрулул военком, 1-мур ранграл капитан, КIундиннал шяравасса Къурбанов Геннадий

Региондалул экономикалул агъамми ххуллурду

ДР-лул ХIукуматрал заседаниялий ххал бигьлагьисса цалчинмур масъала бия 2023 шинал социал-экономикалул лябуккулул анализ даву.

Дагъусттаннал премьер-министрнал бусаврийну, экономикалул иширттаву хъьичIуннайшивуртту хъанай дунугу, цаппара социал экономикалул ккаккиерттал чулуха махъун багълайгу буру. Мунийн бувну Аьдулмуслим Аьдулмуслимовлул министртурал кабинетрал хъьичI бивхъунни ялун нанисса Чумал бартбигьинсса агъамми масъалартту.

– Регионалий уттигу ялавайсса даражалий бур бюджетру арцул шаллу баву.

Ххотуйсса экономикалул ва давурттал дузал баврил масъала ттигу чулийн буккан бувну бакъар. Жу къамул буварду ми иширттал хъьичIалу къукьинсса цаппара чаранну. Аьркинссар миннул мюнпат лавай буван.

Аьркинссар гужлан дуван бюджетрал арцу мюнпатну ишла даврил ялув бацаву.

Аьркинссар хъинну хIисав-сан дурну ишла дуллан тIабиабтрал луртанну, регионал дянивсса дахIавурттал каширду, къатIаллил экономикалул шяравасса

бюхъурду, мукунна гьарта дуван арадал кластердавунсса ва лябуккулул проектирдавунсса инвестицияртту. Къулагъас дуван аьркинссар нацпроектирдавух ва федерал программардавух гьуртту шаврил лябуккурдаху.

Ххишаласса къулагъас дуван аьркинни цаппара социал лябуккулул ккаккиерттаху: даву дакъашиврул лавайсса даражалух, ялавайсса харжирдах, прожиточный минимумраяргу чансса доходру дусса агъалинал хъунмасса бутIа бушиврух.

ХIадур бувссар
ХI. АьДИЛОВЛУЛ

Апрельданул 15-нийн Сочилий, билаятрал яла хъунмур вы-Аставкартту дай майданий, «Сириус» университетраву, зий байбихъуссар шалвагу Аьрасатнал жилищный конгресс.

Сочилийсса конгрессрай



Ва 10 азарунниха ливчусса инсантал гьуртту хъанакъисса, мукъва гъанглийсса конгрессри. Аьрасатнавасса ва къатIаллил билаятирттаесса вакилтурал хъьичIун бувксса спикертраву бур машгьурсса политикталгу, хъуни-хъунисса строительный компаниярттал, недвижимостьрал агентствардал каялувчиталгу, банкирттал ва къатри дуллалисса, къатрал маша буллалисса идарарттал хъунимигу. Ва конгрессрай гьуртту хъанай бур 1-мур ЦIувкIратусса, МахIачкъалаливсса «ZABIDA» агентствалул хъунмур Забидат Аьдуллаевагу. Къуниясса шинур ванил КIицI ларгсса агентство хIасул дурну зий. Ва бур юристту, инвесторгу, Аьрасатнал хъуннасса идаралул, недвижимостьрал брокертурал, инвестортурал ва девелопертурал REAL INVEST CLUB сообществалул резидентгу.

«На, хъинну ялув бавцIуну, ттула КIулшивуртту куртIгу, цакъгу дуллан бикIара, недвижимостьрал дуняйлий цIушиннардугу хъанай духъувкун. ИпотекалуцIун, инвестпроектирттацIун дархIусса законну ххуйну лахъхиншиврул, даву дюхъан дуванну зуншиврул. Ва конгрессрай чIявусса, цIусса

затру лавхъхъунни. Спикертал бур цIанихсса, шаллагу дуняйлул недвижимостьрал рынокрай КIулсса. Курорттирттал КIанттай хаснува мюнпат буссар машан ларсмуния. ЦIанакул «Ххюва хъьхири ва озеро Байкал» тIисса проект бартдигъавриха зий сукку хъуну бур, масалдаран. 2030 шиналнин хъьхирил зумардай 10 курорт бувансса мурад бусса бур. Каспий хъьхирил зуманивгу буван даКIний бур курорт. Аьрасатнал вице-премьер Дмитрий Чернышенкол баян бунни инвесторталгу хIадурну бушиву ва проектраха зун, хIукуматралгу кумаг бувантIишиву. Цаймигу дур агъалинан мюнпатсса проектру. Нава кунма цIусса КIулшивурттал хъири Сочилийн бувкIсса даврил уртакъталгу бакIрайн багъунни, яла-яла, ва жулла даврилмур майдангу гьарта-гьарза бувансса санттур. Шикку цайми регионалтусса даврил уртакътурал КIул хъанай буру, вайн-наягу къакIулмур лахълай, жулма КIулмур вайннангу лахъхъин буллай буру. ХIала-гьурттузузавумур КIивайннаннагур къулайсса», – увкунни Забидатлул «Илчилу» корреспондентнахь.

ПатГимат РАМАЗАНОВА

Оператив штабрал батІаврий

Апрельданул 16-нний Дагъусттаннал ХІукуматрал председателъ Абдулмуслим Абдулмуслимовлул каялувшиврий хъунни экономика лядуккан даврил Оператив штабрал заседание.



энергоснабжениялул масъалартгал хІакъиравусса ва ми тІайла дурккун дур Республикалул Энергетикалул министрствалийн ва «Дагэнегролийн».

Абдулмуслим Абдулмуслимовлул шагъурдал бакІчитурахъ цІуххаву дунни шагъурдайсса мурхъру кьатІ буллалаврил ялувгу. МахІач Оьмаровлул тІимунийну, Сулайман Стальскийл цІанийсса паркраву реконструкция даврицІун бавхІуну кьатІ буну бур аьллалисса мурхъру, миннун кІанай бур цІусса 300-ннийр ххишаласса мурхъру.

Ванал тапшур бунни шагъурлул объектру бакъин баврицІунсса давуртта буслан шагъ-



Микку ххал бивгъунни пачахІлугърал влаьтарал ва кІантул цилакаялувшиврул органнал инсантурал лабизавуртта кьулагъас дуллалаврил, шинал дузал бавриву хъанахъисса захІматшивуртгал хІакъиравусса ва цаймигу масъалартту. Шикку гуртту хъунни циняв министртал, видеоконференци-связьрал низамрай муниципал сакиншиннардал каялувчитал, депутатътал ва цаймигу.

Абдулмуслим Абдулмуслимовлул тІимунийну, ттизаманлул обществалул ляличіишиву хъанай дур социал сетирдав личіи-личіисса захІматшивурттаясса аьрза булун бюхълахъаву.

«Уттигу цал дакІнин бутлай ура цинявннан, мукунсса лабизавуртгал мониторинг дуллан ва миннух гара цІана кьулагъас

дуллан аьркиншиву. Яла чІяруну захІматшивуртту кІицІ дуллай бур коммунал ва энергетикалул инфраструктурарттавусса диялдакъашивуртгал хІакъираву.

Инсантурал лабизавуртгал мониторингал хІакъираву махъ лавхъунни Дагъусттаннал БакІчинал ва ХІукуматрал Администрациялул каялувчинал цалчинма хъиривчу МахІач Оьмаровлул. Ванал тІимунийну, ларгсса нюжмардий Дагъусттаннал ЦУР-данул сияхІрайн ларсун дур 881 инсаннал лабизаву, хъычІмур нюжмардий-нийр 1051 лабизаву чанну.

Исполнитель влаьтарал органнай тІайла дурккун дур 295 лабизаву, муниципал сакиншиннардайн – 339, личіи-личіисса луртаннал шаллу байсса идарарттайн – 247. Цинярда лабизавурттавату 418 диркІун дур

рулул ялапарлувтурахъ.

Шинал дузал баврил ва чаласса шин дукъаврил ялувсса Цасса операторнал давуртгал хІакъираву махъ лавхъунни ва идаралул каялувчи МахІаммадхІажи Шяпиевлул. Ванал тІимунийну, бакъин бувантІий бур 53 насосрал станция, даххана дувантІий бур 58,02 километра шинахулулул ва 17,5 километра канализациялул турбардал. Къатравун гъилишиву дулавриву: бакъин бувантІий бур ссихІирал ва шин кІири дайсса 114 котел, даххана дувантІий бур 29,96 километра теплотрассалул.

Бувсунни апрельданул 20-нний хьунтІишиву республикалул аьмсса субботник, ДР-лул исполнитель влаьтарал ва кІантул цилакаялувшиврул органнал каялувчитурайн тапшур бунни муний гуртту хъун.

Апрельданул 18-нний «Дагестанская правда» кказитрал редакциялий хъунни Дагъусттаннай уртакъшиврун арцу итадакъаврил (партнерское финансирование) хІакъиравусса пресс-конференция.

Пресс-конференция

Дагъусттаннай уртакъшиврун арцу итадакъаву



Дагъусттаннай ишбажаранчишиврул инвестицияртгал политика бартдигъаврил отделданул хъунмур Мария Жамалуттиновал ва Дагъусттаннал ишбажаранчишивручІа бизнесран исламрал нормалийнуну пачахІлугърал кабакъулунсса чаранну хІадур баврил зузи группалул каялувчи МахІаммад Юнусовлул бувсунни уртакъшиврийсса ишбажаранчишиврул хІакъираву ва республикалий эксперимент даврил хІасиллая.

Мария Жамалуттиновал бувсунни региондалий исламрал банкинг лядуккан даврия. МахІаммад Юнусовлул бувчІин бунни исламрал нормардайнуну зузисса проектрал мяънамурадрал хІакъираву. Ванал тІимунийну, исламрал нормарду цІана зузисса законнай кьарши дуклай дакъар. Проект дакъин дурну дусса дур шариаьттал законнацІун. Му аьркинну дусса дур республикалул.

Хъунабакъаврий мукунма ххал бивгъунни уртакъшив-

Исламрал нормарду цІана зузисса законнай кьарши дуклай дакъар.

рун арцу итадакъаврил экспериментрал лагрулий ккаккан бувсса чаранну, бувсунни эксперимент ишла даврийну хъусса хъычІуннайшивурттая.

Хъамаллурал бувсунни уртакъшиврун арцу итадакъаврил проект шуруши дуллалисса бизнесрал арардая, муния ишбажаранчитуран хъанахъисса мюнпатрая, бизнесран пачахІлугърал исламрал нормардайнуну буллалисса кабакъурттая. Миннал бувсунни мукунма бизнес лядуккан дуван ччисса ишбажаранчитуран ккаккан дурсса шартІирдал ва тІалавшиннал хІакъираву, ялун дучІансса чІумал дувансса давурттаутугу.

Духтуртал шярваллаву зун най бур

Гъашину Дагъусттаннал шярваллавун зун наниссар 170 медициналул зузала: 149 хІакин ва 21 дянивмур даражалул медициналул зузала (фельдшер, медсестра). Шярваллавун духтуртал наниссар «Земский доктор/фельдшер» программалул лагрулий. Вания бувсунни ДР-лул ЦІуллу-сагъшиву дуручаврил министрствалул прессалул кьулдугърал.

ДакІнийн бутанну, ва программалул гурттучитуран цІанасса ппурттуву дакъассар оьрмулул шиннардил чулухасса тІалавшин, шикку аьркинссар так шярваллаву зунсса гъира бушаву.

Программалийнуну шяравун

зун лавгсса хІакиннан ца чІумух булайссар (ЕДВ) 1 миллион арцул, гъан-бучІан захІматсса кІантурдайн наниминнан – 1,5 миллион. Фельдшертуран ЕДВ дуллалиссар 500 азарда кьуруш, захІматсса кІантурдайн наниминнан – 750 азарда кьуруш.

Вайннуяр ххишалагу, личіи-личіисса журардал социал кумак бувантІиссар муниципалитертирталгу.

Шиккува кІицІ бан, «земский доктор/фельдшер» хъуну арцу ласун шайссар так цал, ва программалийнуну кІилчингу даврил дузал хъун къашайссар.

Гъашину ва программалийнуну зунсса кІантурду уттигу ккаккан бувну бакъар. КІантурдал шала сияхІ ккаккан дурну дур ДР-лул ЦІуллу-сагъшиву дуручаврил министрствалул сайтрай.

Азиянал чемпионат

Бишкеклив (Къиргъизнал хъуншагъру) апрельданул 11-12-нний хъунни лачІун букъаврил Азиянал чемпионат. Командарттавату хху хъунни Ираннал цацІундур команда, мунил дурххунни 5 мусил, 3 чар-

витул медальлу ва командалул зачетрал 190 очко.

КІилчинмур кІану бувгъунни Япониянал цацІундур командалул, мунил ларсунни 2 мусил, 1 арцул, 2 чарвитул медальлу ва 130 очко.

Шамилчинмур кІанай дур Къиргъизнал команда, муничІа дур 1 мусил, 1 арцул, 2 чарвитул медальлу ва 121 очко.

Лажин хІадур дурссар
ХІасан АБДИЛОВЛУЛ

Подписка 2024

Ххирасса «Илчилул» буккулт!

ЧИЧАРА ККАЗИТ

Баян буллау бур дайдирихъушиву
УФС-райхсса

2024 дачІи шинайнсса «Илчилул» подписка!

Лакку кказит зуца бучІан бан
хъанахъиссар укунсса ххуллу-ххуттайх:

Федерал почталійх:

● дачІи шинайнсса - 542 кь. ● зуруйсса - 90 кь.

Дагпечатьрайх:

● дачІи шинайнсса багъа –175 кь. ● зуруйсса - 29 кь.

«Почта России» сайтрайхчин:

<https://podpiska.pochta.ru/press/П7046>

● дачІи шинайнсса - 542 кь. ● зуруйсса - 90 кь.

Редакциялийхчин Дагъусттаннал дазул кьатІув:

● дачІи шинайнсса - 1375 кь. ● зуруйсса - 230 кь.

Цуссалакрал райондалия

Аьпалул багъ титинтиссар

Цуссалакрал райондалий 9-мур майрал кьинилийн «Аьпалул багъ» проектрал лагрулий титин най бур хасъсса аьралий операциялий жанну дуллуминансса Аьпалул багъ.



Райондалул бакIчи МаматIи ХIамзатовул тапшур буну, багъ титин дакIнийсса Цуссалакрал шьравун буххайсса кIанттурдайн инспекциялушал архIал увкIунни райондалул хьунаманал хьиривчу Султан ХIамзатов. Шиччалу нукIува бакьингу буну, хIавив бивзун, чапар дархIуну буссар. Цана, ххулурду буллаи, беседкартту бишинсса кIанттурдайх асфальт бакьлай бур. Ккаккан буну бур скамейкарду ва мемориалданул ултти дишинсса кIанттурду. Личи буну бур кьатри ва ахьулссаннул мухьру бугъансса кIанттурдугу.

Май зурул дайдихулий, шиччалу маршугу буну, мухьругу бугъан тий бур.

Аьпалул багъ титинтиссар 8-мур майрал кьини. Ванин итадаркьуну дур 1,5 гектар аьршарал. Ва аллеялийну уттава буллалиссар хасъсса операциялий жан дуллусса гьарица аьраличунал аьпа. Шикку бигьалаган бувкIминнал дакIнийн бичавантIиссар билаятрал мурадру бурчулай жанну дуллусса вирттал.

Цуссалакрал райондалул бакIчи МаматIи ХIамзатов Зумаритавал байрандали ивунни райондалул шьраваллавусса ахIвал кIюласса, мушакъатсса ва чIавусса оьрчIру бусса кулпатиртгачIан. Ваншал архIал бия Щуминалийсса хьиривчу Амир Султанов ва шьраваллал бакIчитал.

АхIвал кIюласса кулпатиртгачIан бивунни

ИхIсандалул акциялуву мукуна гуртту хьунни Цуссалакрал агьали цусса миналийн бизан баврил ва Аухуллал район цу дуккан даврил масьалартталсса буллалисса Дагьустаннал ХIукуматрал Управлениялул хьунама МахIаммад-ХIажи Айдиев.



Вайннал ххювагу цивппа бивсса кулпатран буллунни арцушалсса конвертру ва дукачIачанмур дирхьусса кьуцуртту. Цухху-бусу бунни цукунсса масьалартгашал хьунабакьлай буссарив, ци кумаг аьркинссарив.

Балугъравун кьабивми оьккимуния арх баву мурадрай

Апрель зурул 15-нния 21-ннийн бияннин шалагу Аьрасатнаву нанисса «Твой выбор» тIисса профилактикалул операциялувух хIала бувхунни Цуссалакрал райондалийгу. Акциялул мурад бур балугъравун кьабивсса жагьилтал экстремизмалул иширттавун, закондалуцун

кьадаркьусса акциярдавун кIункIу баврин, ми диверсияртту дан ишла баврин ххуллу кьукьаву, мукуна миннал даяив гуж-кьия давриясса, цанма цала бавриясса хаварду ппив хьун кьабитаву. ОьрчIан дакIнин бутлай бур, закондалуцун кьабавкьусса иширттавух хIала хьурча, жавабайн буцайшиву.

Нитти-буттайн оьвчаву дуллаи бур, зула оьрчIал ялув бацIияра, ми соцсетирдаву ци чичлай бури, цукунсса статусу дихьлай бури, каккан тий.

Кумаг аьркин багьлагьиминнаца бюхъайссар оьвчин вихшалдарал телефондалийн: 8-800-2000-112.

Хасъсса аьралий операциялул гурттучинача

Цуссалакрал райондалул шьраваллал администрациярттал бакIчитал Зумаритавал байрандалул кьини бивунни 50-нния ливчусса кулпатиртгачIан.

ЦуссачIурттациял шьраваллил бакIчи Карим Каралиев увкIунни ва кьини хасъсса аьралий операциялул гурттучи Бадруттин Мажидовлул кулпатрачIан. КишI лаган, Бадруттин Мажидов, хушрай

хасъсса аьралий операциялий гуртту хьун гьаннин, зий уссия полициялул отделданий.

Украиннал аьршарай ва, най уна гьужум бай роталувун агьну, хьхьичI ххуттай галай ивкIун ур. Цана ва, шавурду дирну,

хьин хьанай ур. Шьраваллил бакIчинал, чIавусса оьрчIру бусса Мажидовхьал кулпат барчагу буну, ахьулсса ва нацIу-кьацIу дусса кьуцуртту буллунни.

Аьраличунал кулпатрал барчаллагь увкунни шьраваллил бакIчинахь муданансса аякьалулу.

ХIадур бувссар Андриана АБДУЛЛАЕВАЛ

Душварал ифтарданул барачат

Апрель зурул 7-нийн МахIачкъалалив, «Королевский дворец» тIисса банкетру бай залдануву, хьунни Цуссалакрал (Щуминалийминналгу) райондалул душварал ифтар. Ванил сипгачитал бия Муфтиятрал просвещениялул хьаннил отдел ва Цуссалакрал райондалул Щуминалийсса хьаннил отделданий каялувшиву дуллалисса Аьбдуллаева Ххаджа.



Зумаритаврил цацIусса ур-цIухун багIаву мудангу мюнпатсса ихтиларту ва дюххансса нашидрур. Яргсса сценкардур, оьрчIансса викторинарду. Авадансса дия ва кьинисса ифтарданул программагу. БавтIири барча буллалисса, бюххансса ихтиларту буну Цуссалакрал Имамтурал советрал хьунама Мансур Хаваевлул, философиялул элмурдал доктор Асият Буттаевал ва цаймигу бусравсса инсантурал. Нашидру увкуна Луиза Шахдиловал, Шагьалай МахIаммадовал ва Анисат АьбдуллатIиповал. Хьуннасса ххаришиву дия ифтарданий Палестиннавасса душру ва оьрчIру бушавриягу.


«Жу 300-350 инсан учIансар тий буссия, сайки 500-ксса инсан увкIунни. Ва иширавагу чIалай бур жулва ссурваврал ифтарданулгу, Аллагьнаха эбадат дувавилгу хIурмат бушиву. Ххуйсса гурттушинна дурна яруссаннагу. Щуминалий, лак бакьагу, цайми

миллатругу яхьанай бур, сайки 30 процент чил миллатиртгал бур, мунийну хасну лак личи буван хьанай бакьар. Ва дурсса даврил чIарав бавIуцириннайну барчаллагьрай бира. ДакIнийхтуну чIа тий бура циньявнан цIулушиву, цими ва барачат! Бувсса цадакьартту ва цаймигу хьиншивуртту Аллагьу Тааьланал кьамул дурну, миннухсса чир ххи баннав. Ва ифтарданулгу, ялул нанисса Зумаритавал байрандалулгу барачатрайну бала-апатIру, азарду арх даннав, дунияллий дакьаву хьуннав», – увкуна Ххаджа Аьбдуллаевал. «Ва ифтарданул 500 инсаннал дакIру хьиншиврул, ххуйшиврул, цимилул чаннал дуцIин дурссар. Цуссалакрал душру, цалва кьайгьурдугу, тIюваллил ишругу кьабивтун, миллатрал дукиярдугу дурну, миллатрал лахьиярдаву бувкIунни байрандалиин. АьнтIикIахьул кунма, чIюлуну, авурну, дакIру тIиртIуну, аьчухну. Палестиннавасса кьумасса хьамал хIайранну бия жулла культуралия, дакI-аьмал хьиншиврия, хьамаллураха хIурмат бушиврия. Ва даву лахьсса даражалый гьаншиврул биалсса захIмат бивхьусса душварайн, Ххаджатлуин, Эльмирайн, Анисатлуин, Иринайн, барчаллагьрай бира. Щуминалийсса хьаннил отделданий каялувшиву дуллаи бур Ххаджа Аьбдуллаева. ХIарачат бусса душ бур. Вай ттул ученицахьулли. Гьарзат хIисавравун ларсун, ххуйну хIадур хьуну бия», – увкуна Асият Буттаевал.

Патимат РАМАЗАНОВА

Барчаллагь кьучагъсса арс тарбия аврихлу

Сайки 2 шин хьунни Цуссалакрал райондалийсса Цуссаккуллал шьравасса Щайх-ХIасанов ХIусман Кьурбановичлул хасъсса аьралий операциялий гуртту хьанай. Ва хушрай контрактту чирчуну, лавгун ур чIарусса шиннардий оьбалартту бухIлаХIисса Донбассуллал агьали неонацизмалия мурахас буван. Ванал исват бунни Ватан дуруччаврил цIаний кьамул бувсса хIукмулул хьхьичI цичIар кьадацIайшиву.



ХIусман Щайх-ХIасанов

– ИчIуваами кьарщину бия на хасъсса операциялийн ачинсса хIукмулия бусайхту. Хасъсса операциялий гуртту хьанахьиминнал бакьа кьакIулссар, цуксса ххари шайссарив, цала ялул цайми аьралитал бучIайхту. Янна-ярагь, дукия-хIачIия, даруртту ва цимур-ца жучIа дузалну дур.

ЖучIа мудангу зий бур полевая кухня. ЧIявуми цIухлан бикIай: цанни аьралий операция лахьи лагьагисса тий? Цан бакьарча, нацисттурал бур укунмасса агьали ширишилун бугьлай. Вай ишру хIисавравун ласун багьлай кьабивкIссания, аьралий операция танийва кьуртал хьунтIиссия, – тий, буслай ур ХIусман.

Аьралий бурж бартбигьагьисса хIаллай лайкь ва хьуну ур ПаччахIлугьрал наградалун – Суворовлул медальданун.

Уттигьанну ХIусманнул ниттичIан аьралий командованиялул частьрал командирнал чулуха бувкIун бур кьучагъсса арс тарбия аврихлу барчаллагь тIисса чагьар. Барчаллагьри укун кьучагъсса арс тарбия увсса нитти-буттан.

ЧIа учинну ХIусманнул ва жула аьралитурал, ххушавугу ларсун, цIулуну-сагьну махьунмай занашаву.

Имара САИДОВА

Апрельданул 10-ний ГьунчүкьатІрал шяраву, тамансса инсанталгу бавтІун, бувгьунни Украиннал аьршарай нанисса хасьсса дьявилул операциялий жан дуллусса шяравачу Кьардашов Руслан Багдадинал арснал аьпалунсса мурхь. КІира шинал хьхьичІ вава кІанттай бувгьуссия тава операциялий жан харж дурсса, цалчин Аьрасатнаву Виричунал цІа ларьсса НурмаІаммад ХІажимаХІаммадовул аьпалунсса мурхьгу.

Багдадинал арс Руслан Кьардашов уссия талай ЧВК «Вагнер» тІисса кьюкьлуву. Ваниннин ва талай ивкІссар Сириянавугу. Тамансса аьралуннал хьуниминнал цІардаясса лишанну ва бахшишур дур ванан дуллуну. Руслан ГьунчүкьатІув учлачисса чІумал, ванал жаназалушал увкІсса, ванашал архІал талай ивкІсса саллатІнал увкуна: «Руслан кунма кьянкьасса, нигь дакьасса саллатІ чІявусса кьабикІайссар», – куну.

Руслан цувагу, душ буцин куну, шавайн отпускалий учІан аьркинну уссия тай гьантрай. Ци бансар?! Кьанясивну бивкІун бия ванан, ташулулгу хьуну, цала наслу дунялий кьабитан. Шиккува учин, Русланнул уссу Гьарунгу цІанагу уссар талай Украиннал аьршарай. Ча чинну ванан дакІгу ххарину, лажингу кІялану сагь-саламатну буттал шяравун зана шаву!

Мурхь бугьансса хІукму хьуссия ларгсса гьинттул, шяраваллил кьини дуллалисса чІумал. Ва даву дансса хІадуршинна дурссар ГьунчүкьатІрал жьамтійсса ккурандаул хьунаманал хьиривчу Ибрагьимов Кьурбаньабил ва Цаххуй ва Жамалуттин Ибрагьимовхьал.

Мурхь бугьлагьисса кІанттай махь лавхьуна Зиябуттин ХІажимирзаевул. Ванал кутІану бувсуна Русланнуяту, ва умуд бивхьуна, хьиннува лахьи кьалавгун, Ватандалул цІанийсса масьаларттугу шаллу бувну, хасьсса дьявилул операция кьуртал хьунтІишиврий, тикку талатими цинявгу дакІругу ххарину нитти-буттачІан зана хьунтІишиврий.

Бувгьуну мурхьгу, ганийн лархьссар табличка, ва мурхь циван ва щил цІаний бувгьуссарив чивчусса. Вара куцшуй духмур чичру цІу дуккан дурссар НурмаІаммадлул аьпалун бувгьусса мурхьирайгу. Таваккул бутанну вай кІивагу мурхьирал, бювхьуну, хьуни хьуну, гьарцагу чІарах нанинал дакІнийн утаванссар кІиягу ххаллилсса кьучагь, вай бакьасса, ватандалухлу жанну дуллусса цинявпагу арсеру ва ххишала щинчІавгу укунсса мурхьру бугьлан кьабангьансар тІий.

Лакрал райондалия Аьпалул мурхь



Руслан Кьардашов



Руслан ГьунчүкьатІув учлачисса чІумал, ванал жаназалушал увкІсса, ванашал архІал талай ивкІсса саллатІнал увкуна: «Руслан кунма кьянкьасса, нигь дакьасса саллатІ чІявусса кьабикІайссар», – куну.

Ванила хьирив бувгьуссар Ва мурхь ялагу – ГьунчүкьатІрал шяравусса «Лавминнанна сагьминнан барчаллагьрашал» тІисса МемориалданучІа. Мурхь бугьаврил сиптачигу ия мудару шяраву дуллалисса давурттаву хьхьичІунсса гьурттушин дайсса Дандамаев Щирвани. Ва мурхь цуппагу хас буллалиссар Мемориалданий цІарду чирчусса цинявпагу инсантуран ва Буттал кІанттул цІанийсса Хьунмасса дьявиллий гьурттушин дурминнан.

Ва ххуйсса даву дурну махь марцІсса асардашал цинявпагу лавгуна кунначІан кув зумарду кьамул даннав учин. Ххуйххуйсса давурттив дуллан цинявнахьхьуннагу цІулулушиву дулуннав, кашигу ххишала хьуннав!

Зиябуттин ХІАЖИМИРЗАЕВ



Барчаллагь лайкьсса аьраличув тарбия аврихлу

– ХІурмат бусса Мурад МахІаммадович ва Маржанат Ярагьиевна! Зул арс АбдурахІимов АбдулХІалим аьралий бурж лахьлахьиссаксса мутгалий ххуйчулий итталун агьунни. Ва мудару дакІ марцІну биттур буллай ур цайва бивхьусса бурж. Чялишсса гьурттушинна дуллай ур подразделениялул жьамтійсса обрмулву, ванал аьралий хІадуршинна мудар лавайсса даражалий дур,

Вай гьантрай барчаллагьрал чагьар бувкІунни Аьрасатнал миллатрал гвардиялул аьралуннал Жуковлул ордендалул ва ЯтІул Шукул ордендалул 94-мур дивизиялул 3450-мур аьралий частьрал битутрал роталуву аьралий бурж биттур буллалисса Гьумучиял шяравасса АбдулХІалим АбдурахІимовлул нитти-буттайн, Мурад ва Маржанат АбдурахІимовхьайн.

жаваблвшинна дуну биттур буллай ур цайва бивхьусса бурж. Цила чІумуй ва аьшуйн шуну биттур буллай ур хьуниминнал амурду.

ХІурмат бусса Мурад МахІаммадович ва Маржанат Ярагьиевна! 3450-мур аьралий частьрал хьуними барчаллагьрай буру

зуйн, Аьрасатнал миллатрал гвардиялул аьралуннал аьраличувнал цІа бюхттулну ларсун нанисса, дакІ марцІсса, жаваблвшинна дусса ва лайкьсса чув тарбия аврихлу! – укун чивчуну бур аьралий частьрал хьуниминнал АбдурахІимовхьал кулпатрайнсса барчаллагьрал чагьарданий.

Зулайхат ТАХАКЪАЕВА

Буттахъал аьдату

Хъурдаккаврил байран — Кумиял шяраву

Буттал буттахъая шихуннай Бнанисса Хъурдаккаврил байран, интгуннай хъу дугъай Чун гъан хъанан диклайхту, зунттал шархъаву хъинну гурну кИицI лагай. Кумиял шяраву гъашинусса Хъунхъузалтну бия жяматраву бусравсса бутта ва арс — МахIаммад ва Муртаза-аьли ХIасановхъул.

Утта дурккун дия Кумиял шар. Аьдатравун багъсса кушуй, кIюрххицIунмай Хъузалтрал ужагърайн бувкIун бия лакрал миллатрал лаххи-ликкиялувусса душру-хъами, шагъурдаясса ва районнаясса чIявусса хъамал. Хъарасгу дархIуну, хIадур бувну бия хъу гъай учинсса дучри. Гъанна бившунни Хъун хъузалтралгу, ялунчIин хъарас шун бакIрайн лавминналгу.

Къурату кIура бавну махъ цинявппа бавтIунни авадансса ссупралухун. Мажлис бачин бувну ия шяраву бусравсса Илияс Сааьдуллаев.




Аьдатрайн бувну, шархъун дия илданун диял хъунсса бартри, лакку дукрарду, дучIан дурну дия дукърахIан. Бивзун бия хъуни къазанну. ПуркIуралгу, шахълахъисса нахIусса дукрардалгу къанкъ ппив хъанай дия шалла шяравух. Лагмава тIивтIуну бия авадансса ссупралду.

ЯлунчIин хъарас шун ихтияр дуллалисса къуру тапшур бувна Жилай Къурбановлуйн ва Адам МахIаммадовлуйн.

Махъсса спурттуву, шяраву бикIу, дуняллий бикIу, хъусса пашмансса ишру хIисавравун лавсун, ХIасановхъал кулпатрал маслихIат ккавккун бия мажлисрай личIисса тяхъашивуртту къадансса.

Оърмулуд бугъараминнал дуруна дуаьрду. ХIасановхъал барчаллагъ увкуна цала байран хъун дан, чIарав бацIан бувкIсса цинявппагу инсантурахъ.

— Шарнил жагьилтурахъхъун



цIуллушиву дулуннав вай жулла аьдату, ягу дурну, гихуннайгу дачин дан. ХъатIив чIяву баннав, кулпатру гъарза хъуннав, цинярда лакрал шяраваллал аргъ дизаннав. Ва байран савав хъуну буллугъшиву ва барачатшиву ххи хъуннав жула аьрщарай, — увкуна миннал.

Байрандалул лагрулий хъуна хъуниминнал ва мюрщиминнал дянивсса спортрал бьаст-ччаллу: дучри ххяххан баву, ттуплий буккаву, лечаву, тIанкI учаву, пут личаву, ка дишаву, турникIрай гъаз шаву. Вай бьаст-ччаллу ляличIинува ххирар мюрши оьрчIан, гьуртту хъун бувкIун бия шагъурдаясса оьрчIру. Вайннал умудру нахIакъсса бакъая, гъарица гьуртту хъусса оьрчIан дуллай бия бартри, арцуйнусса ва цайми бахшишру.

Ахирданий, цала байран хъунна дан бувкIсса хъамал-лурехъ, шану къалавхъун, дукрарду дуллай бивкIминнахъ дакIнийхтуну барчаллагъ тIутIисса ихтилат бувна Халисат ХIасановал.

Имара САИДОВА



«Илчилий» хъамалу

«Интнил призыв най дур цила кьаралданий»

Цанакул нанисса интнил призыву хисаврайн ларсун, ва ххуллукъ «Илчилий» хьунни МахIачкъала шагьрулул военком, 1-мур ранграл капитан, дуняллул океандалул личи-личисса регионнайсса 4 аьралий кьуллугьрал гьурттучи, ляличисса аьралий бутIрал ветеран, КIундиннал шяравасса Кьурбанов Геннадий Шихаьлил арснашалсса хьунабакъаву.

- Геннадий Шихаьлиевич, ванияр сайки ххюра шинал хьхьичI хьуссия жулла хьунабакъаву – ина Каспийск шагьрулул военкомну усса чIумал...
- Каспийск шагьрулул военкомнал кьуллугьрая махъ на 3 шинал зий ивкIра «Дагдизель» заводрал генеральный директорнал хьиривчуну, технический директорну. Республикалул военкомнал махъунай ттула даврийн тIалав увну, тти зий ура МахIачкъалалал шагьрулул военкомну.
- Буси вила цIанамур



Кьурбанов Геннадий увну ур 1960-ку шинал Таджикистаннай, КIундиннал шяравасса Шихаьлил ва ПатIиматлул кулпатраву. Ванал тту Шихаьли тийх муххал усттарну зий ивкIун ур.

Геннадий школалийн гьаннин шяраву ниттил ниттичIа хьуна хъанай ивкIун ур, буттал шяраву даянмур даражадул школалий дурну дур 6-мур классравун иянинисса дуккаву. Чивинияцава агьну ивкIун ур спортрахун, Таджикистаннал цачIундур командалулу гьуртту шайсса ивкIун ур дуняллул халкьуннал дянивсса бьат-ччаллаву. Школа кьуртал бувну махъ увхун, кьуртал бувну бур Владивосток шагьрулийсса Тихоокеанское высшее военно-морское училище. Кьуллугь буллаи ивкIун ур Ухсавнил Флотрай, Мурманскла областьрайсса Ведяево поселокрай. Подводный лодкалий кьуллугь буллаи 3 шин ларгун махъ ивтун ур командирнал кIилчинма хьиривчуну. ИвкIсар Ухсавнил Флотрал атомный ракетарттал жамирдал 9-мур эскадралул штабрал начальникнал хьунама кумагчину, мукуна Ведяевский райондалийсса базированиялул штабрал начальникнал хьиривчуну, Северодвинск шагьрулул штабрал начальникнал хьиривчуну. 2004-ку шинал Геннадий Кьурбановлул дуллуссар 1-мур ранграл капитаннал цIа.

Ваная эбрат ларсун, ванал ххуллу ккаккан бувну, КIундиннал шяравасса кьачансса жагьилтурал бавIуссар цалва оьмурду хьхьирил кьуллугьрацIун.

Геннадий бур култат ПатIимат (совет заманнай шяраву ва райондалий кIулну ва бусарвай ивкIсса Надиршагь Хуцаевлул душ), вайннал дянив бур шанма оьрчI, оьрчIал оьрчIру. Шанмагу оьрчIал язи бувгуну бур медициналулмур ххуллу. 2018-ку шинал вайннал култат бивзсар Дагьусттаннай, Каспийскалийн.

Тарихийсса ватандалийн зана хьуну махъ Геннадий Шихаьлиевич зий ивкIсар Каспийскалал шагьрулул военкомну ва «Дагдизель» заводрал технический директорну. 2023-ку шинал мартрай ивтссар МахIачкъала шагьрулул военкомну.

Цалва оьрчIру СВО-райн гьан кьабуван нигьабувссса нитти-буттахьулгу чан бакъар, билаятрал Президентнал хIукмулийн бувну, кьуллугь буван бувцусса жагьилтал тихун кьабуцайнугу.

даву бигьасса дакъар. Цуксса захIматну бунугу, хIарачат буллаи буру жулла даву багьайсса куцуй дуллан. Военкоматрал план шаллу кьахъанай цаппарасса шинну хьхьурча, тти шаллу хьанахьиссар. МахIачкъала шагьрулул военкомат республикалул ва билаятрал лагрулий хьхьичIхуттай буссар, ва кIану цалва ихтилатирттаву кIицI лагай Республикалул бакIчи Сергей Меликовлул ва респу-

вестка кьадуркIун диркIхьурча, интту призыв дайдируну кIира нюзмардул мутталай буржлув уллалисса, повесткалух кьая-лугьлай, цува учIан аьралий комиссариатрайн, аьралий учетрал документру ххал буван.

- Цуну сакин хьусса, цала хушрай кьуллугь буллан ччиминнал «Каспий» тIисса батальондалул зушал ци арарду дуссар?
- Миннал военкоматрашчал чичайсар контракт, бувайсар медкомиссия, шиха ми яла тIайла буккайссар Кьизлардайн. Чан бакъар ва батальондалувун наними. Оьрмулул 61-62 шинавуссагуна шай контрактрай кьуллугь буван гьан ччисса.
- Подводникнал пиша язи бугьарийн ссал асар биян бувна? Га чIумалсса чIявуми оьрчIал кунма, летчик хьунсса хиялгу бикIайссияв?
- Майжаннугу, бикIайссия летчик хьунсса хиял. Пикрилий



бликалул военкомнал.

ХьхьичIа шагьрулул шаннагу райондалий бивкIхьурча военкоматру, цIана шагьрулий бувагу ва ца военкоматри бусса. МахIачкъала шагьрулул зума-кьирагьирттайсса Шамхал, Ленинкент, Хушет ва цаймигу поселокругу жуйн дагьлагьиссар.

Жул коллективраву ур 54 инсан. Миллион инсантурал бусса шагьрулул вай хьинну чанссар, чанма-чанну шанма военкомат ттигу бикIан аьркинсса кIанай. Даву хьинну чIярусса дур, призыв дунугу, дакъанигу, зий буссару хIатта бигьалагай кьинирдайгума.

- ЦIанасса, инттусса, призыв цукун най дур?

– Призыврал комиссиялул даву най дур цилла кьаралданий. ТIайла дуркссар призывниктурал цалчинсса команда, ирглий дур кIилчинмур ва вания гихуннайми. Личи-личисса тагарду диклай, хушрай цивпа букIлакIиссагу кьачансса ишру шай. Цалва оьрчIру СВО-райн гьан кьабуван нигьабувссса нитти-буттахьулгу чан бакъар, билаятрал Президентнал хIукмулийн бувну, кьуллугь буван бувцусса жагьилтал тихун кьабуцайнугу. Апрельдания тиннай «О воинской обязанности» закондалулу дахханашивуртту хьанахьиссар, агана ссуттил, багана цукунсса бивкIнугу, по-

Апрельдания тиннай «О воинской обязанности» закондалулу дахханашивуртту хьанахьиссар, агана ссуттил, багана цукунсса бивкIнугу, повестка кьадуркIун диркIхьурча, интту призыв дайдируну кIира нюзмардул мутталай буржлув уллалисса, повесткалух кьаялугьлай, цува учIан аьралий комиссариатрайн, аьралий учетрал документру ххал буван.

даврия. Инава военкомну авцIуну махъ хьусса дахханашивурттая.

– Хьун бакъасса Каспийскалиймур даву ялагу бигьая. Гьанглия гьанглия хьуну хьуну нанисса МахIачкъалалиймур



Военкоматрал коллективрашчал



Зумаритавал байрандалул гъантрай ДР-лул Халкъуннал Мажлисрал председателнал хъиривчу, Дагъустаннал региондалийсса «Справедливая Россия – За Правду» партиялул отделениялул каялувчи Камил Давдиев, вара партиялул инсантурал ихтиярду дуручаврил центрданул хъунама Аьлил ХІамзаев, «Илчи» кказитрал корреспондент Имара Саидова бивунни Украиннал аьрщарай хасъсса аьралий операциялий жанну дуллусса ва цІана ва операциялий гъуртту хъанахъисса аьралитурал кулпатиртгачІан. Партиялул чулуха дуки-хІа-чІиялийнусса кумаг бунни Хъусрациял шяравасса аьралитурал кулпатирттан.

Камил Давдиевлул жанну дуллусса аьралитурал кулпатирттахъ цІухху-бусу бунни, цукунсса захІматшивуртгашал хъунабакълай буссарив ва хъуниминнал чулуха ци кумаг аьркинну буссарив.

Партиялул вакилтал му-

Ккуллал райондалия


Аьралитурал кулпатирттан кумаг бунни



кунма бивунни МахІачкъала, Каспийск шагъурурдай ялапар хъанахъисса аьралитурал

кулпатиртгачІангу, бивунни вайннангу дуки-хІа-чІиялийнусса кумаг.

Аьралитурал кулпатирттал газ бувсса цинявппа масъалартту дузрайн буккан баврил



ялув ащІаву дан цала бакІрайн лавсунни Камил Давдиевлул.

Имара САИДОВА



«Илчилул» коллективрацал

«Интнил призыв най дур цила кьаралданий»

бувсъссия. Му чІумал ттухъ ниттиуссил увкуна: «ЦІана на вил цалчинма кумагчира, амма язи бувгусса ххулли тинай-шинай хъурча, аьркин бакъасса ша ласурча, на вил цалчинма душмангура хъунтІисса», – куну. Вай махъру дакІнийну къуццу тІийгу ивкІра.

- **ЦІанасса жулва кьачІявусса кьуллугъ-читураша шай лакку мазрай, хаснува ина кунма, цалва шярваллил лугъатрай свисуну ихтилат буван...**

– Маз кІулшиву ва хъамакъабитаву – ва ттул бавал, аьпа бивул, хІарачатри, на чІивиний шяраву бавачІа ялапар хъанай икІайссияв. Душанбелі ялапар хъанахъисса чІумалгу гьарца шинал бучІайссияв буттал шяравун. ЦІана жува буру жулва оьрчІашал, вайннал оьрчІашал шаппагу, кьатІувгу оьрус мазрай гьалгъа тІий. ТІайламур бусан, ттун ва ишираву нач хъанан дикІай. Ттулвами оьрчІан бувчІай лакку маз, амма гьалгъа тІун къашай, цуксса хІайпнугу.

- **Подводный лодкарду,**

хъхъири чІявуну дакІнийн багълан бикІай-рив?

– ДакІнийн кьабагънугу кьабикІай. Ччан бикІай, аьралий катерданийнгу лавхъун, хъхъирийн уккан. Каспийскалийсса аьралийтуруву кьачансса бурттул дустал, тай чІявуну оьвтІун бикІай хъхъирийн, рыбалкалийн, амма чІун къашай.

- **Инава подводный лодкалий кьуллугъ буллалисса чІумалнигъачІисса тагъарданувун агъсса ишругу хъуссарив?**

– Мукусса ишру мадарасса хъуссар. Бусанна цанния. Среди-земный хъхъирий буру. Цакуну левщунни двигатель. Лодка, хІалли-хІаллих тІий, яларай дарчунни. Боцман Вова Крестников гьалаксса чІуний баян буллан ивкІунни: «Командир, глубина 120, 125, 130!» тІий. «Глубина 205» увкукун, командир ивзунни лавай: «Все, коней!» – тІисса мукъурттишчал. Ганал мукун увкукун, жунгу бувчІунни май-жаннугу иш кьуманивун багъну бушиву. «Панасоник» магнитофон бикІайссия, кассетату

бикІайссия ганий бишайсса жулла лезгинка дусса. Штурманнахъ була куну магнитофон, лавхъун гагу лахъну, «гьарсса» тІий, ивзра жула зумуну кьавтІун. Лагма-ялттуми ттухъ гьанавихъину буруглан бивкІунни, бухунссия ва бакІрал аххана хъанай урив тІий. Гайннахъгу ура, бачи, бизира кьавтІун тІий. КуртІшиву «215» баян бувайхтурив, Заннал цІмилиийну, двигатель зун бивкІун, дюркъун нанисса лодка дарцІунни. Яла, махъ, «Разбор полета» дуллалисса чІумал, ттухъ командир ур: «Лейтенант, лодка дюркъун нанисса чІумал, вин кьавтІун бакъа дуллансса цамур дакъаяв?» – тІий. «Гьалмахчу командир, ивчІарчангу, музыкалушал ивкІуну хъинниха», – увкуссия нагу.

Дюкьлакьисса лодкалий 118 инсан уссия. Укусса журулул тагъарду цаймигу хъуна.

- **Барчаллагъ, Геннадий Шихалиевич, вила захІматсса графикрах кьаурувгун, жушал хъунаакъинсса чІун лякъ-аврихлу.**

Бадрижамал АБЛИЕВА

Зунттал макъаннал фестиваль

МахІачкъалалив, Дагъустаннал культуралул ва искусствардал Б. Мурадовал цІанийсса колледжраву, хъунни «Зунттал макъанну» тІисса цІанилусса халкъуннал музыкалул фестиваль. Ва сакин дурну дия Республикалул Культуралул министрвалул, Республикалул Халкъуннал творчествалул кьатлул, Дагъустаннал культуралул ва искусствардал колледжрал гъурттушиндарайну.



Фестивальданул Лакрал райондалиясса гъурттучитал



Фестивальданул жюри

Ва хъуссар коллективирттал «Халкъуннал» тІисса цІа тастикъ даврийнсса Республикалул смотрданул лагрулий.

Фестивальданул дайдихъу дурна Новруз Шахбазовлул каялувшиндаралусса Дагъустан Республикалул паччахІлугърал халкъуннал инструментирттал оркестрданул. Гихунмай сахІналийн бувккуна жулла республикалул районнаясса музыкалул коллективру ва халкъуннал музыкалул инструментру бишайсса таксса музыкантътал. Вайнавух бия Лакрал райондалиясса миллатирттал инструментирттал ансамбльгу.

СахІналийн буллакисса кун-

наяр кув гъунар бусса музыкантътуран кьимат бишлай бия Аьрасатнал искусствардал лайкъ хъусса ишккакку, профессор, Дагъустаннал Музыкантътурал союзрал председател Хан Баширов, Дагъустан Республикалул искусствардал лайкъ хъусса ишккакку, композитор, Дагъустаннал Композитортурал союзрал председател Рамазан Фаталиев ва цаймигу сий дусса пишкакартал бусса жюри.

Фестивальданий гъуртту хъуми цинявппагу лайкъ хъунни Дагъустан Республикалул Культуралул министрвалул чулухасса дипломирттан.

Бадрижамал АБЛИЕВА



ИТНИ, 22 АПРЕЛЬ

05.00 «Доброе утро». 09.00 Новости. 09.20 «Молный приговор».

23.00 «Большая игра». (16+). 00.00 Д/ф «Обыкновенный фашизм».

ТТАЛАТ, 23 АПРЕЛЬ

05.00 «Доброе утро». 09.00 Новости. 09.20 «Молный приговор».

23.00 «Большая игра». (16+). 00.00 Д/ф «Владимир Высоцкий».

АРВАХИ, 24 АПРЕЛЬ

05.00 «Доброе утро». 09.00 Новости. 09.20 «Молный приговор».

19.55 «Куклы наследника Тутти».

ХАМИС, 25 АПРЕЛЬ

05.00 «Доброе утро». 09.00 Новости. 09.20 «Молный приговор».

21.00 «Время». 22.00 Т/с «По законам военного времени».

НУЖМАР, 26 АПРЕЛЬ

05.00 «Доброе утро». 09.00 Новости. 09.20 «Молный приговор».

22.00 Т/с «По законам военного времени».

АЛХИАТ, 27 АПРЕЛЬ

05.00 «Доброе утро». 09.00 Новости. 09.20 «Молный приговор».

23.55 «Маталдор». (16+). 01.25 Д/ф «Метта Робина».

АЛХИАТ, 28 АПРЕЛЬ

05.05 «Подкаст. Лаб» (16+). 06.00 Новости. 06.10 «Подкаст. Лаб» (16+).

РОССИЯ 1

ИТНИ, 22 АПРЕЛЬ

05.00 «Утро России». 07.35-07.41 Вести-Дагестан.

в телесериале «Версия».

ТТАЛАТ, 23 АПРЕЛЬ

05.00 «Утро России». 07.35-07.41 Вести-Дагестан.

09.55 «О самом главном».

АРВАХИ, 24 АПРЕЛЬ

05.00 «Утро России». 07.35-07.41 Вести-Дагестан.

09.55 «О самом главном».

ХАМИС, 25 АПРЕЛЬ

05.00 «Утро России». 07.35-07.41 Вести-Дагестан.

09.55 «О самом главном».

НУЖМАР, 26 АПРЕЛЬ

05.00 «Утро России». 07.35-07.41 Вести-Дагестан.

ликвор и Александр Давыдов

АЛХИАТ, 27 АПРЕЛЬ

05.00 «Утро России». 08.00 Вести-Дагестан.

04.20 Анастасия Залоружная, Алла Юганова.

АЛХИАТ, 28 АПРЕЛЬ

06.00 Екатерина Астахова, Кирилл Экзарковский.



ИТНИ, 22 АПРЕЛЬ

07.00 Время новостей Дагестана. 08.00 М/ф «Смешарики».

«Иностранный агент ВЧК».

ТТАЛАТ, 23 АПРЕЛЬ

07.00 Время новостей Дагестана. 08.00 М/ф «Смешарики».

«Операция «Синдикат»».

АРВАХИ, 24 АПРЕЛЬ

07.00 Время новостей Дагестана. 08.00 М/ф «Смешарики».

«ХАМИС, 25 АПРЕЛЬ».

НУЖМАР, 26 АПРЕЛЬ

07.00 Время новостей Дагестана. 08.00 М/ф «Смешарики».

04.15 «Халкь ва заман».

АЛХИАТ, 27 АПРЕЛЬ

07.00 Время новостей Дагестана. 08.00 М/ф «Смешарики».

04.15 «Халкь ва заман».

АЛХИАТ, 28 АПРЕЛЬ

07.00 Время новостей Дагестана. 08.00 М/ф «Смешарики».

03.40 Д/ф «Ступени Победы».

ИТНИ, 22 АПРЕЛЬ

04.55 Т/с «Легавый» (16+). 06.30 «Утро. Самое лучшее».



ИТНИ, 22 АПРЕЛЬ

04.55 Т/с «Легавый» (16+). 06.30 «Утро. Самое лучшее».

06.30 «Утро. Самое лучшее».

ТТАЛАТ, 23 АПРЕЛЬ

08.00 «Сегодня». 08.25 Т/с «Пес» (16+).

08.00 «Сегодня».

АРВАХИ, 24 АПРЕЛЬ

04.55 Т/с «Легавый» (16+). 06.30 «Утро. Самое лучшее».

08.00 «Сегодня».

ХАМИС, 25 АПРЕЛЬ

04.55 Т/с «Легавый» (16+). 06.30 «Утро. Самое лучшее».

10.00 «Сегодня».

НУЖМАР, 26 АПРЕЛЬ

04.55 Т/с «Легавый» (16+). 06.20 «Жди меня».

11.00 «Живая еда».

АЛХИАТ, 27 АПРЕЛЬ

04.55 Т/с «Легавый» (16+). 06.20 «Жди меня».

06.30 «Центральное телевидение».

АЛХИАТ, 28 АПРЕЛЬ

04.50 Т/с «Легавый» (16+). 06.20 «Жди меня».

«Илчилул» календарь**Ва нюжмардий увссар:**

Апрель зурул 15-ний 1918 шинал увссар чичу, шаэр **Абакар Мудунов**.

Апрель зурул 15-ний 1938 шинал увссар медициналул элмурдал доктор, профессор, МАИ-лул академик **Махаммад Рамазанов**.

Апрель зурул 18-ний 1944 шинал бувссар балайчи, Дагъусттаннал халкьуннал артистка **Лайла Мажидова**.

Апрель зурул 19-ний 1977 шинал увссар ДР-лул экономикалул ва территориал лябуккулул министр **Хиажи Султанов**.

Апрель зурул 19-ний 1936 шинал увссар Дагъусттаннал педагогикалул институтрал, ОЭФ и МП кафедралул профессор **Сулайман Абакаров**.

Барча бавуртту

дуллул арс **Мусаев Махаммадлул** оьрмулул 50 шинал юбилей.

Ча тий буру Махаммадлул чЯрусса цулулсса ва булулгьсса шинну. Вания тинмай бутантИмур оьрмулулугу чан къахуннав вин вила чумартсса ва чувшиву ххисса даКинин лавхьхьсса къисмат, ххуй-хьиншивуртту, вилацириннаясса ххаришивуртту!

Ина, вила кулпатралгу, оьрчАлгу вив лавсун, миннал ххари уллай итаннав чЯрусса шиннардий. ДаКинийсса мурад-ру бартлаганнав, гьарца бивзсса ша Зал архАлсса хьуннав. Жун ина чан къааннав.

Виха у дуаьлийсса гьан-маччами.

ДаКинийхуну барча дуллай буру ГьунчГукьатИрал жяматрангу, гьан-маччаминнангу, дустангу, уртактурангу бусравсса, хурмат лавайсса **Аб-**

*Най дур кьинирдугу, най бур оьрмулугу,
Амма сипатраву пар тий бур яру.
Чалай дур мудангу вил хАлим симан
ХхюцАлла шинай, ссав кунна, аьчсса.*

*Ххуйри ссалахИрайсса вил юбилейгу,
Ххираминнал умудру уттава буллан.
Кьамул бува жуя ххарисса махьру,
Зукьлугу, дуаьгу, ссалам — ссайгьатну!*



Дагъусттаннал медициналул ванал ца ца яла за кАлма, итхьявхма ва ка савава специалист хИсаврай зумух ласай анжагь къадрулий ва кыматрай. Му ххуйну кАулссар ванащал архАл зузиминнангу, ванал хьин бувцири, къабазин кунмасса базурду бавзуцири къашайшалтрангу — хАт дакъа чЯвусса.

Ххирасса Юсуп, ина ниттил увсса хьуннасса кьинигу барча дуллай, чА тий буру вин чЯрусса ххари-хьиншивуртту! Инава рахАт бувцири инсантурал вихавасса зукулурдал ца бутАгума биял хьунссар вин ина ва дуняллий оьрмулул уччиннин итаншиврул, вилацириннаяшал архАл тирххандарай, талихИрай яхьанай личаншиврул.

Виха мудангу дуаьлийсса вил дустал, гьалмахтал, ихтивартал

Кулал жяматралгу, лакралгу дянив ца бусравшиву, ххуйшиву ххисса чувнан, чЯрусса шиннардий ца яла хьхьичАунма хАкин-травматологну Республикалул травматологиялул центранный зузисса, захАт буллалисса **Юсуп Губуловдун** вай гьантрай бартлаглагиссар 65 шин.

Баян

«Илчилий» бишлашисса барча бавурттал тексту буссар

укуннасса барча баву – 400 къ.
суратрашалсса барча баву – 500 къ.

Зуруа зуруйн, шиная шинайн
Цайвасса чувнал ва миллатрал арснал бурж бусравну биттур буллай ялапар хьанахьисса инсантал чансса бакъахьунссар жула дянив. Мукунминнавух ккалли хьанай ур нитти-буттан лайкьну аршивугу дурсса, кулпатравугу эбратну оьрму бувтсса, цАнагу мюршиминнахасса аякъа чан къадайсса, жул агьулданул ттарц, жул ххирасса хьунаттатта **Ибрагимов Буниямин Ширванинал** арс.

Буниямин увссар 1939 шинал ЧЯйиннал шяраву, Ширванинал ва Савдатлул кулпатраву, гай захАматсса Хьун дяввилул шиннардий. Му захАматшиврул ялун ялагу ца аькьува дирссар. Ккуллал ва Лакрал районная чЯвусса агьали, цала минагу къаритан бувну, зулмулий бизан бувссар Чачаннал ва Ингушнал аьршарайн. Му балаллул шавщи щуссар Бунияминнуингу. Ванал оьрчИшиву ларгссар АьсатИиннал ва Ингушнал дазуьсса Даллаково тИсса шяраву. 1960-ку шинал Дагъусттаннайн занахьуну, Бунияминнул Каспийскалий мина дирхьуссар. Электрикнал пиша лавхьхьуну, Точный механикалул заводрайн даврийнгу увхун, Жамирду бай институтравугу дуклай, цала цувагу шаллу увну, гьанминнангума кумаг бан бюхьайсса даражалийн увссар.

1963-1966-ку шиннардий аьраличунал бурж биттур бан армиялийн лавгссар. Микку, цусса ракеталул техника чьясса мутталый усттарну ишла дан лавхьхьуну тий, ванал лайкь дурссар ряхра Хурматрал грамота ва цаймигу лишану.

Армиялия нанисса кьини ванан баян бувну бия: «Ибрагимов Буниямин занесен в книгу почета Воинской части», – куну. Миккува мунил барашиву дуллалисса документту булуну бия.

Аьраличунал къуллугь шаллу бувну махь Буниямин, институтравусса дуккавугу къуртал дурну, Точный механикалул заводрай зун ивкИссар: мастерну, хьунама инженерну, цехрал хьунаманал

Юбилейран хасну**Яннав ина жун Заннал****Буниямин Ибрагимов**

хьиривчуну, финансирттал от-делданул хьунаману. Кулпат бувну махь заводрал квартирагу буллуссар ванан.

Заводрай зузиссаксса хАллай Бунияминнул хАлалугу дурссар дялсса наградартту ва барчаллагьрал чагьарду. Ми цАнагу цдуссар ванал архивраву. ДикИанхьуви ялун нанисса наслудун эбратну.

Шикку жун ххи бан ччива ца укунсса затту. Буниямин «Илчи» кказитрал муданасса буккур ва кьимат бишур. Ванан хьинну ххирар «Илчи» кказитрал патриарх Руслан Башаевлул чичайсса лакрал лавгзаманнул тарихравасса багьа бишун къашайсса макьалартту, гьарца лаккучунан кАулну биклан багьайсса. Ххирар, бухаву дакъа, гьирарай цилла даву усттарну дуллалисса ПатИмат Рамазановал статьяртту.

Мукунна ванан лап бусрав шай Лакку билаятрахсса ччаврил уччин увасса, шагьрулияту шяравунгу ивзун, цала буттал шяраву Вихьлив яхьанахьисса ХИажимурад Хусайновлул чич-рурдугу.

«Илчилул» сий лахьсса даражалийн гьаз дурсса кказитрал

коллективралгу, миннай каялувшиву дуллай бивкИсса Качар Абачараевналгу бивхьусса захАмат муданмагу кИицI буллан икИайссар Буниямин.

Аьзисса Буниямин, жула кулпатралгу, шала агьлу-авладралгу, дустанралгу чулуха барча дуллай буру вил ххаллилсса юбилей. Ча тий буру вин цулулушиву, цАу-цусса ххари-хьиншивуртту. Яннав ина Заннал винагу, жун циньяннангу!

*Буссара мудангу
на барчаллагьрай,
Ина ттуна Заннал
нясив увну тий,
Къахьунссия, валлагь,
на, мютИи бакъу,
Так ца вища бакъа,
тимар бувангу.*

*Яхьуру, дус, жува
мукьАлла шинай,
Ина щала ттулну,
на щалва вилну.
Шалихханнин, учай,
битаннав куну,
Му цагу таривав
лиххайссавагу...*

*Амма ми шиннардил
дуламанттаву
Ттун бухАн багьмургу
биялсса хьуссар.
БухАнгу бовхьуссар
ина хьуну тий
Ттул даКинил цавурдал
Луькманнул хАкин.*

*Ина ттуьин бивтнасса
бургьил чанира,
Му чаннал тИинтталу
на яхьуссара.
Ялуьсса Аллагьнай
цуькрулий бура,
Дяйркьин къадиртун тий
оьрмулул мяьна.*

Вил БЕЛА**«Порт-Петровскалал Ассамблеяртту»**

Апрельданул 15-ний МахАчкъалялив, Къумукьнал театрлану, дайдирхьунни цимирагу нюжмардий лахьи лагантИсса Дунияллул халкьуннал дянивсса музыкалул фестиваль «Порт-Петровские Ассамблеи». Ва ххуллухьсса фестиваль хьанахьиссар 17-мур.



Ва тИтИлатИсса ихтилатращал сахИналийн бувккуна

Дагъусттаннал паччахИлугьрал филармониялул художествалул

каялувчи Ирина Нахтигаль. Фестивальданул концертмур дайдирхьуна Иоганн Себастьян Бахлул «Кофелул кантаталлийну». Ва кьини тамашачитурал хьхьичАун бувккуна музыкалул хух лавгминнан ччянива ххир хьусса артистгьтал: Зарифа Аьбуллаева, Диана Октавиан, Денис Федоренко, Самат Шихженнетов.

Фестиваль дуллалиссар Дагъусттаннал паччахИлугьрал филармониялул, Дагъусттан Республикалул Культуралул министрствалул чАрав бацАврийну, «Культура» цАнилусса национал проектрал лагрулий.

Фестивальданул ирглиймур концерт хьунтИссар апрельданул 26-ний. Ва дикИантИссар инструментал музыкалул концерт. Ваний гьуртту хьунтИссар Москвалиясса бусравсса хьамаличу Максим Рубцов (флейта).

Бадрижамал АЬЛИЕВА

26
АПРЕЛЯ
18:30
ЗАЛ КУМЬСКОГО
ТЕАТРА

**КОНЦЕРТ
ИНСТРУМЕНТАЛЬНОЙ МУЗЫКИ**

СОЛИСТ - ОБЛАДАТЕЛЬ ТИТУЛА «АРТИСТ ЯМАНА»
МАКСИМ РУБЦОВ (ФЛЕЙТА, МОСКВА)
КАМЕРНЫЙ ОРКЕСТР ИМ. С. ХРЖАНОВСКОГО,
ДИРИЖЕР – ЗАРИФА АБДУЛЛАЕВА



Юбилейран хасну

ОърчІал дуниял чанна лахъан дуллалимур

Дунияллийцири пишар-даву ца яла бусравмур бухъунсар оърчІал хІакиннал пиша. Цалчинмур ЦІувкІуллал шярвасса, МахІачкъалалив оърчІал хІакинну зий 50-ни-ха лирчусса шинну хъусса МахІаммадова Маржанатлуд 70 шинал юбилей барча дуван, ванихъ дакІнихтунусса барчал-лагърал махъру учин бавтІун бия чІявусса агъду ларгсса бигъа-лагай къини «Ванесса» тІисса банкетру бай залданувун.

Бувссар Маржанат чІявусса оърчІру бусса Оьмардул ва ПатІиматлуд кулпатраву. МарцІну ххювардай буттал шярвату школагу къуртал бувну, дуклан бувссар Дагъустаннал медициналул институтравун. Шикку дуклай бунува шар хъуну бур хІакиннал пиша лахълахъисса шярвучунан, гъанчунан МахІаммадлун. Институт къуртал байхту, жагълисса хІакинтал Хисаврай лас ва шар тІайла бувссар Тамбоврал областърайн. 1977шина 1983шинайн бияннин зий бивкІсар тикку. Тай шиннардийсса «Тамбовская правда» кказитрай чивчуну бур гъунар бусса жагълисса хІакинтурал кулпатра. Цалва пиша ххуйну кІулсса бушивруцІун, инсаншиву ххисса, мяърпат ларайсса дагъустанлулвал кІанттул агъалинан бусравну бушиврия. Дагъустаннайнмай зана шайхту, МахІаммад ва Маржанат цалла-цалла давурттай зун бивкІун бур. Студентурал поликлиникалий хъунама хІакинну зий ивкІсса МахІаммад кІулцириннал дакІурдиву ливчІссар бюхъу бусса, итххявхсса хІакин Хисаврай.

Маржанат МахІачкъалаллал 3-мур оърчІал поликлиникалий зун бивкІайхтува нитти-буттахъал, даврил уртактурал итталун багъну бур. Участокрал педиатрнал давуку бигъасса дакъар, чІивитІу, ххалувну, чІумуй диагноз дирхъуну, тІайлану ххин уллан аркинсса. Бигъалагай къинирду, байранну цІакълин къадургъуну, иш багъарча, мюршисса къашайшалтрачІан шаппашаппай биян багълагъисса.

– ХІакиннал пиша язи бугъансса хІукму бувма хІадурну икІан аьркинссар цинярда захІматшивурттайн, – тІий бур цуппа Маржанат. ТачІав пашмангу хъуну бакъар ва пиша язи бугъария.

– Медициналул куртІсса кІулшивурттайну, аькълу камилшиврийну ва ссавурданийну оърчІал ва нитти-буттал дуниял чанна лахъан дуллалисса хІакинни. Инсаннах дакІ цІимиллий бурган кІулшиврушал, ва бур циятурагу, архІал зузиминнаятугу жаваблущинна дусса. Жу цІубутІуй жунма къакІулмур ванихъ цІуххайссия. ОърчІру личІи-личІисса хІакинтурачІан тІайла буккан багъсса иширттавуку, даврил опыту биялсса буну, ванин кІулну бивкІайва цума хІакин-пишакар чув зий уссарив, цуми процедурарттая мюнпат ччяни буссарив, – тІий бур ванишал ца поликлиникалий зузисса Аьйшат Зиркъуева.



Маржанат арснацал

Маржанатлуд даврин хІукуматралгу лайкъсса къимат бивщуну бур. Ва бур лаваймур категориялул хІакин. Яла хъунмур бахшишрив ванил дур, шярвучу Сайдуев Шариплул кІицІ лавгсса куцуй, агъалинан бусрав

шаву. – Гъарцагу инсаннал бивкІайхъунсар хиял, шанма кІану бугъан хъуссания тІисса: цалчинмур кІану – инсантурал хъин чулийнмайсса гъалгъалуву, кІилчинмур – инсантурал дуаьр-

Маржанатлуд даврин хІукуматралгу лайкъсса къимат бивщуну бур. Ва бур лаваймур категориялул хІакин. Яла хъунмур бахшишрив ванил дур агъалинан бусрав шаву.

яхъанай бур. Ванилгу, чІивимур ссу барча буллай, укун увкунни: – Жулва лакрал учала буссар, вилкъилул къатІуйгу ца аргъри дикІайсса, тІисса. Дуссия Маржанатлуд оьрмулувугу, ца-ца душнил багъасса хІаллурдугу буну, марцІну ххювардай школагу, мукунма мединститутгу къуртал бувну, ца яла ххаллилма шярвучунан шаргу хъуну, хІакиннал даврий зузисса, ласгу дунияллия гъан увасса, нинуппу, уссур-ссугу сагъсса чІун. Ва бия цилвами нитти-буттангу, ласналминнангу хъинну ххирасса инсан. Ва бур шалвагу тухумрал хІакин, чІарав бацІу, насихІатчи. МийцІалла шинал юбилей дуллан каши-къудрат дулуннав, Заннал ябаннав ва ттул аьзизсса ссу.

Бусанна Маржанатлуд ва МахІаммадлул арсругу гъарца чулуха итххявхсса, хъхъичІун бурувгсса, дуркусса жагълитал бушиву. ОьрбакІай (Аьбдулагъ) ЦІувкІрав цІусса мизит бувминнавасса сиптачигур, даву бакІуйн дуккан дувмагур. Ва иман цІакъсса жагъл ир, зий ур МахІачкъалалив исламрал бизнесрал даврий. МахІаммади тІима арс Германиянаву Берлиннай ур. Вагу залданувуцириннал хъхъичІ нину барча дуван ва барчаллагърал махъру учин связърайн увккунна.

Маржанатлуд ласнал ппу Халид чІярусса шиннардий Ккуллал райондалул азарханалий хІакинну, хъунама хІакинну зий ивкІсса инсанни. Ваналгу, Написатлулгу МахІаммад акъа цама арс-душ бакъассия. Вай кІиягу ттул ниттил ссурахъал бия. Маржанат цуппагур ттул ниттил ссурахъу. Ниттирссил ххуллийсса. ЧІярусса шиннардил хъхъичІва ванил ласнал ниттил Написатлул ттулла ниттихъ увкумур хъмакъабитай: «Ттул хъунмасса талихІри, ссурахъуй, арснал шар душнил кІану бугъанса багъаву». Буниялтунгу, гъарцагу ласнал ниттил мурадри.

Ванил дакІ-аьмал хъиншиврия, инсантурал чІарав бацІан чялиш буккайшиврия бия институтраву архІал дуклай бивкІсса душаврал, даврил уртактурал ва шярваллил агъулданул гъалгъарду.

Цилва язи бувгъусса пишалул хъхъичІ къюкълуву бусраврай ва къадру-къиматрай ххюцІалла шинай зузисса ниттирессу Маржанатлун нагу чІа тІий бура уттигу чІярусса хъхъичІуннайшивуртту, тІайлабацІуртту – давривугу, оьрмулувугу! Арсурвалрав ва миннал наслулуд ххари булланнав!

ПатІимат РАМАЗАНОВА

– ХІакиннал пиша язи бугъансса хІукму бувма хІадурну икІан аьркинссар цинярда захІматшивурттайн, – тІий бур цуппа Маржанат. ТачІав пашмангу хъуну бакъар ва пиша язи бугъария.

даву, шамилчинмургу – инсантурал дакІурдиву. Маржанатлуд вай шанмагу кІану куртІну, цІакъну бувгъуссар. Ванийн къаувксса акъахъунсар шярваллил агъулданул даянв. Шайкун гъарнал чІарав бавцІусса инсанни, – тІий ур Шарип.

Кхъинну захІмат ххирасса, итххявхсса кулпатравасса бушиву. Ванил хъуними уссурвал, аьпа бивухъул, лавайсса къуллугъирттай зий бивкІссар: Исаяв Исая – Сепараторду бай заводрал директорнал хъиривчуну, Исаяв ХІусайхан – Ирганайский ГЭС-рал ва «Новострой» трестрал хъунама инженерну. Ссурвал Салисат ва РяхІатгу, аьпа бивухъул, оьрмулухун колхозрал давурттай зий бивкІсса яхІ бувсса хъамир. Аьйшат тІимур ссил оьрму лавгссар цІувкІуллал оьрчІан кІулшивуртту дуллай учительну зий. Цанакул, пенсионный бивккун, МахІачкъалалив

Испанна билаятрай ялапар хъанай 15 шин хъуну дур Ккурккуллал шярвасса Аьвдулагьдул душ ПатГимат Аьвдулаевал. ПатГилавхъал ПатГимат учайссар ванийн шярвату. Вай гъантрай ПатГимат бувкун бия Ватандалийн, буттал шярвун биян. Чярусса шиннардий къаккавксса маччадуш ккаккан ва гърбатрайсса оьрмулия цухху-бусу бан лавгра ваничан хъамалу.

Шярвату школагу къуртал бувну, ххуйсса къиматирттай экзаменнугу дуллуну, ПатГимат бувххун бур МахIачкъалаллал политехнический техникумравун. Школалий дуклакинийва спортраву итххавхсса ПатГимат техникумравугу най буна спортрал секциялийн занан бивкун бур. Школалий дуклакисса шиннардий ва гъртту шайссия райондалул, республикалул спортрал бьст-ччаллаву. Сайки циняв журардал спортраву цалчинсса кIанттурду бугъайссия. Ва бикIайссия Ккурккуллал хъаннил волейболданул командалул капитанну. Тай шиннардий спортрал чулуха Ккурккуллал школа хъинну хъхичIунну бикIайва. Техникумравун бувххун махъгу спортрал чулухунмайсса ПатГиматлул бюху ччяни ялун ливчуну бур. Техникумрал лечаврил ва тIанкI учаврил чемпион хъуну бур. Дуклакисса хIаллай техникумрал цачIундур командалу вивкун бур.

Техникум къуртал буллалисса шинал цайми студентгугурашал кIива зуруй Белгород шагърулийн, мукъва зуруй Нальчикрайн консерварду дайсса заводрайн практикалий гъан бувну бур.

– Нальчикрайсса заводрал хъунама лаккучу ия. Техникум къуртал бувну махъгу тиккун зун гъан ччай, танаща ттуйнма оьвтIисса чагъардугу лавсун бувкIиссияв, амма му ппурттуву Хасаврай цIусса завод тIивтIуну, микку зун гъан бувнав, – тIий бур ПатГимат.

Ца зуруй заводрайгу зий бивкIун, бувкIун бур МахIачкъалаливн. Зун бивкIун бур строительный управлениялий. Шикку 7 шин дурну дур. Мунир махъ, школардан аьркинмур итадакьайсса базалий товароведну, «Устар» тIисса чIири предприятиялий хъунмур бухгалтерну зийгу бивкIун, даххуласулухун багъну бур. Бивну бур Чехословакиянавун, цимилагу Ливаннайн. Испаннавунсса ххуллури ванин тIивтIуну бур «Лезгинка» ансамбльданул.

2003-ку шинал ПатГиматлушал дусшиву дусса, культуралул даврил ялув бацIаву дулалисса хъамитайпалул тIайла бувккун бур ва ансамбльдануштал костюмер хIисаврай. Ца барзгу бувну, зана хъуну бур. Хъиривмур шинал, мува кушцуй лавгун, ПатГиматлул Испаннаву кIива барз бувну бур. Испанна билаят ххуй бивзун, му чIумалва пикри хъуну бур тихун бизансса, лахлан бивкIун бур маз. 2008-ку шинал лавгун бур турист хIисаврай, тийхва бацIансса пикрилий.

– Группалушал махъунмай къабувкIра. ЦубутIуй гостиницалий бавцIуну бивкIра. Му чIумал ттун чан-къанну испанна мазгу кIулссия. Яхъунсса, зунсса кIану лажкин багълай бия.

Гърбатрайсса лак

«Испания ттун бавкъусса билаят бур»



Патимат Аьвдулаева



Бигъасса ххуйсса шартIирдай оьрму бутлай тIий бухъунссар, испанна халкъ аьчухсса, дакIру хъинсса бур. Миннал оьрмурдугу лахъисса бур. УрцIалла шинавун бувххун махъгу ми цалвасса цала бан бюхълай бур.

Москавлийсса ттул уссил дуснал ХIажинал душ Марина Барселоннай яхъанай бия. Вай Хъусрашатусса бия. Буттал таничIан оьвкуну, Маринал на бувцунав цуппа ялапар хъанахъисса квартиралийн. Хъунма хIал къавхъуну Марбелья шагърулий ттун нянял давугу ляркъуна. Ттун кIира шинавусса оьрчIах буруглан

багълай бия, личIисса къаттагу булуна на яхъанан. Ва дия авадансса район. Цал, оьрчIашал сайр бан хъхьиричIан лавгсса чIумал, ттун жула дагъусттаннал хъаннил лашин дусса инсан ххал хъуна. Циван къабикIави. Дагъусттаннаясса Ххаджат тIисса ярушар ляркъунни. КIул хъуру. Ва чIаравсса, жулмурнирду авадансса райондалий ялапар хъанай бия. Ванил чIивимур душ ингилиснан хъуну бия, миннал кулпат недвижимостъраха зий, иш бавчуну бия. Ххаджат цуппалу яхъанай бия. На ччя-ччяни таничIан хъамалу лагайссияв. ХIасил, чил билаятрайсса оьрмулул дайдиху оьккисса къархъуна, – буслий бур ПатГимат.

Ца шинаву ПатГимат зий бивкIсса кулпат Англиянавун бивзун, ванин цIунилгу даврих луглан багъну бур. Ялапар хъанай бивкIун бур ХхаджатлуцIа. Ца ппурттуву ккарччи дакьин дан лавгсса ПатГиматлухъ хIакиннал цала кабинет лакълан тавакью бувну бур. Мура чIумал ванийн бувккун бур бугъарасса

нитти-буттах уругансса инсаннах луглагисса оьрчIругу. Хъунисса кIизивулийсса къатраву ванинсагу кIану личIи бувну бур. Къари-къужлунгу, оьрчIангу ПатГимат ххира хъуну бур. Къарил лахъхъин бувну бур ванин цала дукрарду дангу. ПатГимат шикку кулпатравасса инсан кунма ххирану бивкIун бур. ОьрчIал ирглий буцайсса бивкIун бур нину-ппугу, миннашал ПатГиматгу ресторанаун, салоннаун. Ряхра шин хъуну дур ПатГиматлул вайнначIа зий, шиккува ягу хъуну. Яла, куннал хъирив кув, оьрмулул 92 шинаву аьпалухъхъун лавгун бур къари-къужа.

– Ва авадансса кулпат бия. Буттал чIарусса хъус къариртун дия оьрчIан. Ва хъинну захIмат ххирасса инсан ивкIун ур. УрчIра шинаву, нину-ппу ливтIуну, ятинну ливчIун, цайнува цува ччаннай авцIусса адамина ия. ЧIару зивурду дусса къатри дулла ивкIун, цалчинми зивурдай цанма чIавусса офисру тIивтIуну бия. Цивппа яхъусса къатрал цалчинмур зивулий бия мебельный ттучан. Шярвугу дия хъунисса ххуйсса къатри дурну. Къарил лаххи-ликкия чIаруя. Цу буну лаххайва оьрмулул шиннах къабуровгун.

Бигъасса ххуйсса шартIирдай оьрму бутлай тIий бухъунссар, испанна халкъ аьчухсса, дакIру хъинсса бур. Миннал оьрмурдугу лахъисса бур. УрцIалла шинавун бувххун махъгу ми цалвасса цала бан бюхълай бур.

Нину-ппу ливтIуну махъгу, оьрчIру ттухъ тиккува бацIу тIий бия. Тай бакъаний на тикку ци дуланссияв. ДакIнийн багъуна, ца ппурттуву къужлул на пашалва цала уссичIан бувцуну бивкIсса. Тикку Лаура тIисса вайннал ссурахъугу бия. Та чIумал танил увкуна, вай дуняяллия лагайхту, цичIан бухъху куну. Ттунгу пикри хъунни Лаура ци дуллаи бури в ккаккан гъан. Лаурал адамина ивкIуну ия. Вайннал оьрчIру бакъая. ХIасил, бувкIссара на ЛаурачIа зун. Вагу тIайлабацIусса иш хъуна. На бахтти бусса бухъунссара, ттун оьрмулуву чIавусса ххуйсса инсантал хъунабавкъуссар, – тIий бур ПатГимат.

Жагьилний Лаура цила админашал Аьрасатнаугу бивкIун бур. 1960-ку шиннардий, билаятрал хъунаману Н.С. Хрущев усса чIумал, ванил адамина Канаданал консульствалий зий ивкIун ур. ДакIнин бутлай бия тIар цуппа аьралуннал самолетрай Москавливн бувцуну бувкIсса куц, обкомрал зузалтрал хъанницIа цинна дурмарду дан лавхъхъусса куц.

Ххюра шин дурну дур ПатГиматлул ЛаурачIа зий. Машан лавсун бур ванил бахлахисса мукъва къатта бусса квартирагу. Лаура аьпалухъхъун лавгун бур ковидрал чIумал.

ПатГимат буслий бур Испанна буллу цинма бавкъусса бушиву, мийжаннугу, гърбатрай цила ишру оьккину бакъавиву. Буслий бур Испанналу душиву цIанихсса чахир, шикку душиву яла ххуймур зайтундалул аьгъушиву, ккурккисса шинай ххярххун дикIайшиву ахъулсса ва ахънилсса. Мукунма Испаннаву бусса бур балугърал яла ххирами журарду. Яла хъуними харжрури в билаятрай бусса бур медициналул зузалтран.

Андреана Аьвдуллаева



Адабиятфал
лажсин

Дахалай дакъарив
Вил бакІрай лачак,
КІзул симандалул
Лагма каяйсса.

Дахалай бакъарив
Вил чурххай гьухъа,
Оьрму ахир хьуннин
ЛавчІсса вил чурххайн.

Дахалай бакъарив
Вил ччаннай махІсив,
Цалла жан вияту
Къурван дувайсса.

Дахалай бакъарив
Къатлул чанкъатта,
Ина ялтту занай
Ссуссин бувайсса.

Дахалай бакъарив
Зул къатрал чІртту,
Дяркъу-гъилишиву
Вия арх дайсса.

Вай жул хьхьичІа вай сунну
Цал щюлли шай, цал къакъай.
Нагу бура му хІаллай,
Цал микІлачІлай, цал баслай.

Ца къанчуллуй кІива хьхьи –
Ца агъ тарлан, ца туйгъун,
Агъ, тарланмур ттунма ччай,
Туйгъундалун нава ччай.

Ца ниттил ур кІия арс,
КІиннаннагу – ттух эшкъи,
Гъарай, цаннан на хьурча,
Ца ттуйн ххаххантІий ури.

Илхъи дури къурдарах –
Бидав бакъа ххал къашай.
На бидав бугъавияв,
Арцул хьхьури дуния.

Къиргъулт бури цІияллайх –
Тарлан бакъа ххал къашай.
На тарлан бугъавияв,
Мусил хІатІинт буния.

Гулаватилий бувсса,
Чаннаннил ххаллай шавшсса
Вил канихъсса мусил мархъ
Щу кунма чІалан бикІай.

Ччармузуй гуржи махІсив
Бивхъусса хавар хьуннин,
Чинар кунмасса вил чурх
КІиллуй тІуркІу тІун бикІай.

Канихъ хьхьури дунура,
Кугълансса вил оьрчу
Дазу дакъа дуниял
Цинна къагъану бикІай.

Марша ххуй бай мюрш урттуй,
Щар ххуй дай щюлли ккурттуй,
Виртгал ххуй бан ляхъусса
Ттул эшкъилул савдажар.

Арцу кІяларивав,
На кІяларивав?
Арцуяр кІялари
Ттул арцул хъазам.

Муси бусравривав,
На бусравривав?
Мусияр бусравра
На жагъилтуран.

Лакку шаммарду

«Ттул дакІ дурцІу буруккин щил яла ласувивав»



Суратру К. Чунуевду

Ва шаллара шар дури,
ХхарахІала дакъари,
Щарнил агъилтал бури,
Ттул кІяла хьхьи бакъари.

Жагъилтал батІай ккурчІайх
ЦІан ттурлу дирхьуну дур,
Зийлийсса дяркъу щинайн
Мюрши шатри багъну бур.

Аманат, мюрши душрив,
Чаххув ччисса маару,
Аьнттуву ини баннин,
Шамилва цІив лахъара.

Гъаксса дакІнин якъамар
Чил жяматрай гъалмагъай,
Къаккакарча, дакІ угъ тІий,
Ккаккарча, яру аьтІий.

Тти бацІан багъну бура
Лухччи дакъа аьршарай,
ЩябикІан багъну бура
Ссав дакъа дунияллий.

Ца пар учала, цІукуй,
НякІсса ссавнийх чани бан,
Гъапул хъанахъисса хьхьу
Гъалгъа тІун дикІай ххал дан.

Зунтгал ххаллал лувату
Личай бивкъу шарашив.

Личавай бакъар, ххирай,
Вил бакІрава ттул яру.

Хьун зунттул яхъулату
Хъя чай гуламан тІутІи,
Хъячавай дакъар, ххуй душ,
Вил дакІниву ттух ччаву.

Бюхттулсса барзунттайн
На къалавгссияв,
Ххуй тІутІал биявав
Бюхттул барзунттив?

Къумасса ратІавун
На къалавгссияв
Шарабрал биявав
РатІай шарашив?

Бюхттулсса барзунттай
Ав кунмасса на,
Аври тІий, бувтунна
Аски душманнал.

Къумасса ратІаву
Щин кунмасса на,
Щинни тІий, хІавчІунна
Зиризаваннал.

КІяла лачаку дургун,
ЗункІуллай мабацІларда,
Бургъи-зурул оьрчІра тІий,
Ттуруллул ласарача.

ОьрчІи яннагу ларххун,
ЦІияллайх мазанарда,
ОьрчІ къакъунттул оьрчІра тІий,
Къиргъуллул ласарача.

Бархъаллал Хъамиттурший,
Хъамиттуршилул хъачІруй,
На ниттил къабулурча,
Къабувцуна ацІаннав?

РатІру дурцІу цІан ттурлу
Бургъил гъавалул ласай,
Ттул дакІ дурцІу буруккин
Щил яла ласувивав?

Началникнал къапулий
Качар чурх бахІрчагу,
Валагъий, къабюхъанссар
Ина ччиссари учин.

Бюхттул зунтгал рахІаву
Хьхьинил къачІа дяркъу щин,
Ваксса нава мякънува,
Гъарай, щил хІачІавивав?

Дуниял ххал данна тІий,
Бюхттул зунттайн лавхъссияв,
КІяла буран бивщуну,
КІюла кисай дургъуна.

ДурцІу дакІ дачІра дуван
Щюлли къурув лавгссияв,
Ччаврил лама бивщуну,
ЯтІул гьухъа ччувччури.

Яру бачІва банна тІий,
Маршалу щябивкІссияв,
Агъ, барчаман, мюрш урттуй,
Ттуярва агъи куна.

Лултту ттарцІру дакъана
Ялув ссавгума дацІай,
Вих эшкъи къадуварчан,
Ттуша бацІан къахьунхрав?

Мусил аьсаврду дакъа
Баргъ ва барз занан бикІай,
Вих ччаву къадуварчан,
Ттуша занан къахьунхрав?

Хьунаавкънах бурганна,
Урувгнахъ пиш учинна,
Вияр ххаллилсса оьрчІру
Хьирив заназі банна.

Лялу ярагъ мусилсса
Нартган нава хьунугу,
Вил эшкъи зия дарчан,
Ттул жан зиялий гъаннав!

ЧІантІив мусил изажа
Вил хъаралу бунугу,
На хъамабитан барчан,
Вин Зал хъамаитаннав!

На, вин ччарча, ттул дарман,
БакІраяту багъ банна,
Багъирал лухІитІутІи
Винма букан кІулхьурча.

На, вин ччарча, ттул ххирай,
Чурххая майдан банна,
Майдан тІутІул ардарах
Гайз бан виша бюхъарчан.

КІюрххил лавай ивзукун,
Бюхттул зунттуин лахъара,
Вих эшкъилул дирчу гьухъ
Мурчал къакъан дай ххал дан.

Эшкыи ккашин дуканна,
Ччаву мякылин хIачIанна,
Вил чара бакъа къатта
Нава бакIрайн ласунна.

Гьар хъхьуних бучIай булбул,
ЧIявуну мабукIларда:
Лухччи вичIилий дури,
Ссав къаралданий дури.

Зунтту урттуйн аманат,
Ар микIирайн аманат,
Агь, вил ахир хайр дивуй,
На шийн аманат бував?

Цими бунал цIуххирча,
Ший шаний бия уча.
Цими бакъул цIуххирча,
Давраннай бия уча.

Къаччайнаив ччан хъусса,
Ччайнуив ччаву хъусса,
Вин эшкыиригъ къархъусса,
Ттун ссавурдив дакъасса.

Лажиннича, ттул бавай,
На ттуна ччинан була,
Къаччинахух дакI гъаннин
Ччинача къатта банна.

ДакI къума ларгсса чIумал,
Балай тIий шьябикIара,
Зикри-мавлуд дуккара,
Алжаннухсса хьулданул.

Агь, ина вайлул шивуй,
Ттул вайлул зиризавал,
Я вайлул хьуну насу,
Я ттуйна зана икIу.

Качарданул къак даслай,
Чассагул хIави къакълай,
Чагъирай мусил оьрму
Вих ялугълай лавгунни.


Вай шярал хъаннил мазрал
Дугъанна шярах хъуру,
Бакъамуний ццац хяххан,
Бумуний тIутIи хяххан.

Къурандалул луттирай
Аят чичай малаик,
Ниттил на бувсса хъхьуну,
Аман, ци чивчунавав.

Щарашив чIявусса бур
Нитти-буттал шяраву,
На мякылилу хIачIансса
Щин чувчIав къаларкъунни.

Щубарз ккавксса яруннан
Щуртти къамул шайссияв,
НицI дуркусса ттул ккарччан
Цу тIааьн бизайссияв.

На Маккаливппай гъанна,
Мадиалий чак банна,



ХIажлив-Къатлул цIив лавхъун,
Заннахь ина чIа чинна.

Хъун мугъали бувккукун,
Гьарзат хъхьирийн диян дай,
Ва эшкыи-ччаврил цIарал
На чун биян бавивав.

Виричунал чувшиву
Чулданийри кIул шайсса,
Ххуй душнил чумартшиву
Ласкъатлуйри кIул шайсса.

Виричунал чу ябай,
Нехъа бивчун, хъа бивчун,
Виша на ябан къавхъур
Хъалул ини буллуну.

На шаммарду байссия
Шан ратIру видуцансса,
Балайрду учайссия
Шанма зунтту ххягъансса.

Гьарал лачIай цIан ттурлу
Щанну лухIисса дикIай,
Лавмарт хъунсса гъалмагъай
ЛичIину чIалан икIай.

Качарданул чурххирай
Хъарурагу дуния,
ДакI дакъания бивзун,
ДакI дуний кюру буван.

На неххай гъарахъ гъаян
Хъалул чантай бакъара,
Чув-бунугу гъаянна
ЯтIул лачIал къуцури.

Зунттаяту дакI ратIав,
Ардая яру батIав,
РатIлай ратIин къархъунни
Вил дакIнива ттул ччаву.

Илданула хIакинтал
БавтIун, дарув барчагу,
Ттул чурххал азарданул
Савав лякъин къахъунссар.

На умуд къувкъуссия
Эшкыи ва ччаврияту,
Паракъат бакIрал пикри
Хъиннува гъалак хъунни.

Арцул ххаллал ххуй чIалий,
Ххуллийх ци тIий лагара,
Ттул халватсса эшкыилун
Къимат ци тIий бишара?

Ина лавг утта ххулу
Чалагъайлул бакъинна,
Ина ликкайсса кIанттай
Щарашину личинна.

Эшкыи хъума хъиннивав,
Хъус дума хъиннивав тIий,
Ттул дакI къарал дакъа дур,
Ххурххуппалул хъхьи кунна.

Адабиятфал
лажсин



Вай ттул эшкыилул дардру
Лув лухччинун кIулния,
Аьршимур ччуччинссия,
Чарумур бавцIанссия.

ДакIнивусса дардисан
Ялув ссавнин кIулния,
Лухччинийннай лагъ хъуну,
Уртту къаххяхханссия.

Ина ссалам гъан баврил
Ссав ялун дагъанххивав,
Щюлли хъхьири хъа куну,
Жамирду бюкъанххивав.

Шекъирду къаркъун дияв,
Къаламуру гъавгъун бияв,
Чагъарду бичай пучрай
Пачат бившуну бияв.

Ар дуриIу оьрчIи чIиру
ОьрчIал цукун ябайрвав,
Хханххиравусса эшкыи
Ядан къашавай бура.

Ядан хъурдай вил бава
Алжаннул ахъулссаннуи,
ОьрчIкъиргъулул вил яру
ХIачIан итайрив ккаккан.

Душрув, зуягу начри,
Заннаягу хIаяри –
Ттун эшкыи хъуну дури
КIурукIул ятIул тIутIух.

ТIутIувун хъхьем дагъунни,
Найрал нарза лавсунни,
На нарза ласай тIутIи
Ттигу хъа чин дурари.

На вий тамаша бара,
ШандарчIу дакIнил заллуй,
Ттул лухIи тIутIул яру
Махъунмай зана баврий.

На уттугубишара
Базар паммалул шаний,
Ттун шанугу къабияй
Ширван къувлул кIараллий.

Ачлай гъалмагъай ури,
ТIайла уклай дакI дури,
ДакIнил тIайла увкьуну,
Яру хъовхъу тIий бури.

Ца ттурулул хъа хъурдай,
Ца мурчал илчи хъурдай,
ДакIнил ссалам бивхъуну,
ДусначIан тIайла буккан.



Жула хІакинтал

Дазул къатІувгу цІа машгърсса хІакин



Руслан Аьлиханов

Февральданий медициналул элмурдал докторнал цІа дурурчунни Хьурхьрал шяравасса Багъадианал арс Аьлиханов Русланул.

Руслан ур, так ца жула билятрай акъассагу, шала Европанавугу цІа машгърсса хирург. Ва хъанай ур Е-АНРВА тІисса Европанал Гепатобилиар хирургиялул ассоциациялул правлениялул член, Дуниялул халкъунал дянивсса хирург-гепатологтурал ахттаршиннардал программалул каялвчитуравасса ца.

Буттаусил Идрислул бусаврийн буну, хІакиннал пиша ванайн бивну бусса бур ирсирай.

Увну ур Руслан 1975 шинал цІанихсса хІакин, медициналул элмурдал доктор, Москвауллал медициналул институтрал профессор Аьлиханов Багъадианал кулпатраву. Нину Асият – англис мазрал учительница. Шанна шинай вайннал кулпат зий бивкІун бур ХІабашнаву.

Багъадианал ппу Аьлиханов Аьбдулмуслим Аьлиханул арс хьуну ур Дагъусттаннай цалчинсса биологиялул элмурдал кандидат. Зий ивкІун ур Дагъусттаннал шярваллил хозйствалул институтрал ва медициналул институтрал доцентну, элму ахттар дай институтраву.

Буттауссу Аьлиханов Халлар Аьбдулмуслимлул арс, медициналул элмурдал доктор, зий ивкІун ур Москвауллал оператив хирургиялул институтраву.

Руслан дуклай ивкІун ур МахІачкъалаллал 7-мур школай. Москвауллал медициналул институтра махъ А. В. Вишневский цІанийсса хирургиялул отделениялий хьхичІунну ординатурагу бивккуну, тиккура дурурчуну дур медициналул элмурдал кандидатнал диссертация. Муния мукъах зий ивкІун ур Москвауллал хьхичІунсса клиникарттай, Тайваннай, Франциянаву ва Испаниянаву. Ванал канилук бивккун бур шаназарунниха ливчусса захІатматса операцияртту.

Руслан Богданович ур лавайсса даражалул хирург, къашайшалтрах аякъа дусса, аьчухсса. Цала канилук бивккун лавгун махъгума тамансса мутталий ялув авцІуну икІай.

2013 шинай шихунай зий ур А.С. Логиновлул цІанийсса Москвауллал клинический элмийсса центрданул Трансплантациялул хирургиялул отделениялий, 2021 шинай шихунай – отделениялул каялвчину.

Аьрасатнал ва къатІаллил билятирттал хьхичІунсса изданиерттал итадаркъуну дур ванал 90-нниха ливчусса элмийсса давуртту.

ДахІалай чинсса бур Русланул цалагу, ванал буттал, буттал буттал ва буттаусил жула медицина хьхичІуннай даврил цІаний бивтсса ххуллурду, бивсса захІмат.

Хьинну ччай буссия ва макъала ччин хьхичІу пащала Руслан Багъадиевичлул ахттар ихтилат бан, ванал авадансса биографиялул буккултту кІул баншиврул, амма сант къадиривунни, ва ххисала акъа тІалавсса хІакиннал даврия мурахас хьунсса чІун чансса душиврийн бивну. Умуд къаькькьинну гьинттул отпускрай ватандалийн аьрххи багъсса

базилух ванашал хьунабакьинсса сант дириантІишиврийн. Русланнун Лакку кІану ххирассар, буттал шяраву, Хьурхьив, къатри дуллай уссар тІий бур ванал гьанчу.

Цалсса «Илчилул» буккулттрашал кІибачІинну пациентурал ваная тІутІимур.

– Ттуй ляркъуна эхинококкрал киста, му цурдагу дия ттиликІрал туннулий куртІну. Лапароскопиялул операция бан цучІав бакІрайн ласлай акъая, так ца Руслан Богданович личІаннин. Анавархьиндарай бан багъсса операция, ссятурдий лахъи лагарчагу, тІайлабацІу буну хьуна. КІира нюжмардува на итабавкъунав.

Руслан Богданович ур лавайсса даражалул хирург, къашайшалтрах аякъа дусса, аьчухсса. Цала канилук бивккун къашайшалтрахсса къулагъас ванал хьхара къадувай, азарханалия бивккун лавгун махъгума тамансса мутталий ялув авцІуну икІай.

– На Барнауллаясса буре. Ттун дур 42 шин. 2020 шинал январьданий ттул ттиликІрай ляркъуна оьнийн дурксса диялсса лагрулул дурухлу, ва анаварсса мутталий хьунна хъанай най дия. На ттулла хьиривляевуртту Германиянал Лейпциг шагърулийсса клиникалийн тІайла дуркссия. Найдунура жаваб дуркІуна, мугьлат бакъа операция бан бухъхьу тІий. Анавархьиндарай визагу шаллу дурну, билетру лавсэссия. Амма, пандемиялул ссуссукушшиннарду хьхичІун дагъну, леххан къабювхьуна. Нецецнал клиника шала хІадур бивну бия коронавирисрал цІуцІаву дирми къамул буллан. Клиникалул профессорнал чивчуна, укунсса шартІирдай операция бан къахьунссар тІий. Амма маслихІат бивна Москвалив А.С. Логиновлул цІанийсса Москвауллал клинический элмийсса центрданнийн, хасну хирург Руслан Богдановичлул буккан, ва жапасса операция ванал бантІивсар тІий. Хьиривляевуртту цацІанна дияявиривун, Руслан Аьлихановлул маслихІат бивна мугьлат бакъа операция бан. На хьиривмур къинива левхра Москвалийн. КІира къинилул дянив къадурну ливчІсса хьиривляевуртту дурну, на утубишин жунав операция бан. Укун жапасса операция бакІрайн ласун так ца Руслан Богданович акъа къасивсуна. Ттун нажагъсса тІайлабацІу хьуссар ка сававсса хІакинначІан бакІрайн багъаврийну. ДакІнихтуну барчаллагарий буре отделениялул каялвчи Руслан Аьлихановлул ва ванал командалийн.

– Руслан Богданович ур ххаллилсса хІакин. ЦІан-чаннаву увкІун, хьхьудяризаннин ва ур цала отделениялул къашайшалтрашал. Ванан дакІний ур цала операция бивсса гьарцагу къашайшала. КІулли гьарца къашайшала кІулу бикІан аьркинмур. Ванал, операция бивну, дуркъссар дурухлу. На хьинну нигъабувсунав ттиликІрай дурухлу ляркъусса кІул шайхту. Вассят пикрирду цІан лавгуна. Заннайн шукру нава Руслан Богдановичлул сававсса каруннивун багъаву. Операциялия мукъах хьин хъанан къабагъуна.

Зулайхат ТАХАКЪАЕВА

Дин, иман, ислам

Палестиннал лихъачалтрацалсса ифтар

Зума дугъавал зурул махъра-махъмур къини Мариян Илиясовал цІанийсса «Дараччи» фондрал душру бивунни «Дельфин» тІисса бигъалагай базалийн. Шикку яхъанахъисса Палестиннал лихъачалтрацал зума итадакъин, ххуйсса ссайгъатиртайну ххари буван.



ХьхичІ къини Гульшан Хасаевал, Мариян Кьаландаровал ва Тамара Закаръяевал диян дурну дия ссупра тІитІимургу, ватан къаритан багъсса лихъачалтран аьркинмургу. Хьирив къини къюкълувун хІала бивххуна Асият Буттаева, Тарият Къапиева ва Москвалия бивкІсса ПатІимат Садикьова. Душру Палестиннавасса хъамаллурасал, вихшаласса дустурацал кунма, аьчухну, дакІру тІиртІуну къушу тІий бия, оьрчІашал дус хъанай бия. «Надежда» тІисса фондрал кІицІ лавгсса бигъалагай базалул заллукъруннан Палестиннавасса лихъачалт яхъанансса дачІи шинайсса багъа булуну бур.

– Дагъусттаннай аякъалийсса мина ляркъусса инсантуран жувагу чІарав бушиву ккаккан буван ччай бия. Цахъисрагу вайннал дакІру тирх учин дуваншиврул. Цияв душругу вай инсантурал дакІру аьч дуванну тІийри бивкІсса, жула хъамаллурал гьарца ихтилатраву – дакІнил къюву, цанма ккаккмур, цала бивхІумур. Оьмур яла гьаннав вайннал оь-

рмулува, Аллагу Таабланал рахІму-цІими ликканнав! – тІий бур Гульшан Хасаева.

– Чаннасса бучІантІимунийнсса хьул къувкъусса инсантурал симанну пиш тІий ккаккавал ссал къабагъари! Вай бур даявилул цІарава итхъавхсса халкъ. Так ца кІюрххил палестинка Самах гъансса 9 инсаннацІа хьуну бур. Ванил ласгу къювулий буслай ур Палестиннава цалва нину-ппу итакъабакълай бушиву, документирттал иш лахъи лаган буллай. Вай хьхьу-къини даявилул цІараву ливчІсса мацца-гъаннал ялув буруккинтарай бур. Вайннал аьршарай дакъаву хьуннав, даявилул цІу лещаннав! – тІий бур Мариян Кьаландарова.

«Дараччилул» Москваливмур филиалданул душваврал уттинингу кумаг бивссия Палестиннал лихъачалтран. Укунсса чІумал бюхъу ва бажар буну зузаву аьркинну дикІай, бивсса кумагу личІинува бусрав шай. Аллагьнал къамул баннав зу бивмур!

ПатІимат РАМАЗАНОВА

Баян

Гъумук, цІусса школалул чІарав, дахлай буру аьрши – 6 сотка. ЧІаравва бивну шаллу шавай буссар цІусса оьрчІал багъгу. Участок дуссар къасса ххуйсса кІанай. Дуссар «зеленка».

ЦІухху-бусу буван бюхъайссар ва номерданийн оьвкуну: 8-906-450-07-72.

Пресс-конференция

Инсантурал оьрмурду
ххассал баврил ххуллий

Апрельданул 20-нний жула билаятрай КИИЦ лагайсса Донорнал кьинилул хьунин «Дагестан» РИА-лун редакциялий хьунни Дагъусттан Республикалун цулла-сагъшиву дуручаврил министрнал хьиривчу Ярослав Глазов ва Республикалун оь булайсса станциялун хьунмур хАкин Ххадиджат Танкаева гьурттуса пресс-конференция.



Микку ххал бигьлай бия корпоратив доноршиврийн ва ттурчIал нярал доноршиврийн багъайсса масъалартту. Шиккува КИИЦ бан, вара кьини Республикалун кказит-журналлу итабакъай идаралул хьхьичI бавцуну бия кIанттая-кIанттайн заназисса оь ласайсса станция. Акциялул лагрулий ва идаралул 65 зузалал буллуну бур оь. Пресс-конференциялул спикертурал бусаврийн буну, вайннавух чансса бакъасса бур бусаврсса донорнал цIанин лайкь хьуссагу. Вайннал дуллуну дусса дур 30 литра оьттул.

Ярослав Глазовул ва акциялий гьуртту хьун оьвкунни оь булун ччисса инсантурайн. КИИЦ лавгунни Дагъусттаннай чялиш буклай бушиву ттурчIал ня дулун ччисса инсанталгу ва ми багълай бушиву донортурал Федерал реестрданувун.

Ххадиджат Танкаевал КИИЦ лавгунни ттурчIал нярал донация цуксса агъамсарив, мунил кумаграцIух онкологиялул цуцIаву дусса инсантурал оьрмурду ххассал буллай бушиврийн буну. КИИЦ лавгунни ттурчIал ня ласаврил процедура, инсантуран чIалачИсса куцуй, жапасса ва заралсса бакъашиву, ттурчIал ня ларьсса инсаннал цулла-сагъшиврун муния цукунчIавсса нигъачIаву дакъашиву. Танкаевал бусаврийн буну, республикалий гьантлия гьантлийн хьун хъанай дусса дур муданма оь буллалисса инсантуран аьдад. 2023 шинал оь буллуну бусса бур 16 азара инсаннал, ларгсса шинах бурувгун 3 азара инсан ххину. Укун лахьсса хIасиллу хьун дан бювхуну бусса бур Республикалун оь булайсса станциялул даву чялиш дуккан даврийну. Ларгсса шинал республикалий хьуну бусса бур азарунниха ливчусса акциярду.

«Оь булун букIлакИминнавух чIявуми бур жагьилтал, ми цивпагу цала аькьлу-кIулший

Бусравсса донор хьун бювхайссар лув-ялув гьар шинах оь буллалисса цумацагу инсаннаша. ЧувчIав бакъассар Аьрасатнаву кунмасса донорнал хIурмат, мунал барчаллагьрансса хIаллихшиннарду; гьар шинах оь буллалисса инсантуран дулайссар дукралухсса арцу.

букIлай бур, оь булаврийну инсаннал оьрму ххассал бан бювхайшиву бувчIлай», – увкунни Танкаевал.

Пресс-конференциялул хIасиллу дуллай, спикертурал оьвчаву дурунни Республикалун оь булайсса станциялул акциярттаву гьуртту хьун.

Глазовул КИИЦ лавгунни ведомство хIадурну душиву бусравсса донортурахь барчаллагь учинсса сиптарду къамул дан, маслихатирттах вичИдишин.

– Бусравсса донор хьун бювхайссар лув-ялув гьар шинах оь буллалисса цумацагу инсаннаша. ЧувчIав бакъассар Аьрасатнаву кунмасса донорнал хIурмат, мунал барчаллагьрансса хIаллихшиннарду; гьар шинах оь буллалисса инсантуран дулайссар дукралухсса арцу, цайми билаятирттай оь булаву цала хушрайсса духьурча, жула билаятрай му дуссар цала хушрайссагу, багьлухссагу. Федерал хIаллихшиннардал чIарах дуссар регионнал хIаллихшиннарду, – ххи бунни Ярослав Глазовул.

Зулайхат ТАХАКЪАЕВА

Апрельданул 17-нний Дагъусттаннал Капитал ремонтрал фондрал каялувчи МахIаммад Аьлиевул «Дагестан» РИА-лий бусса пресс-конференциялий бусунни 2023 шинал дурсса давурттал хIасиллал хIакъираву.

Капитал ремонтрал
фондрал гьашину
бакъин буну бур
150 къатта

Фондрал каялувчинал бусунни дукIу цу буккан буну бивкIшиву чIявуквартирарду бусса 150 къатта. Давуртту лядуккаврихун дахчилай дусса

дур чIявусса инсантурал капремонтрахсса багъа къабуллалаву, мукунма Цасса расчетно-кассовый центрду гьарца кIанай зий бакъашиву.

Фондраца бювхай бур кьатраву ремонт даврил аьдад цимилагу хьун дуван, гьар зурул взносру циньявннал дулларча.

– Укунсса центрду шуруши буван аьркинссар Дагъусттаннай, личИнува МахIачкъалалив. Вайннул чIалачИ дунни цала мюнпатшиву Каспийскалий, Дарбантлив ва Избербашлив. Вай шагьурдай салкь дуллай бур 75-80% взносирттал, – кунни МахIаммад Аьлиевул.

Ванал жавабру дуллунни журналистурал суаллахьхун. Суаллу бия кьатраву капремонт даврил ярглул хIакъиравусса, гьарца зуруй дулайсса взносирттал тарифу тIайлану бишаврил хIакъиравусса ва цаймигу.

– Фондраца бювхай бур кьатраву ремонт даврил аьдад цимилагу хьун дуван, гьар зурул взносру циньявннал дулларча. ЖучIа давуртту бартдигьаврил низам хьинну цIакъсса дур, циньярда давурттугу цила чIумал дуллай буру, – кунни МахIаммад Аьлиевул.

Ванал тIимунийну, программалул ччяни бартдигьин аьркинсса пландалийн гьашину ларсун дур 95 къатри, бювхайссар ва сияхIрайн дагьан дуван цаймигу кьатри, миннул аьдадгу лахьан 145-150-ннийн.

ХIасан АьДИЛОВ

Лакрал литературалул секциялул
ирглийсса батIаву

Ларгсса тIалаткьини Дагъусттаннал чичултрал союзрай, халкьуннал чичу Расул ХIамзатовул музейраву, хьунни лакрал литературалул секциялул ирглийсса батIаву.



Шикку ххал бивгунни Аьрасатнал Чичултрал союзравун цусса члентал къамул баврил масъалартту, гьашину юбилейрду хъаныхьисса чичултран хас дурсса мероприятиартту ва цаймигу агъамсса масъалартту. ХIукму бунни Аьрасатнал Чичултрал союзравун къамул буван Ися МахIаммадов, КьурбанпатIимат Штанчаева ва Шалласу Шалласуев.

Халкьуннал чичу Мирза Давыдовул ва чичулт ХIасан КIуруховул, Валерий Амировул юбилейрду хIисаврайсса ци мероприятиартту дувантIий

буссарив бусунни лакрал секциялул каялувчи Супиян Оьмаровул.

Мирза Давыдовул гьаз бунни лакку мазрайсса журналлал подписка дурми чансса бушиврул, районнал хьуниминнай, школарттайн бивккун, подписка гьаз дувансса чаран лякьин аьркиншиврул масъала. Супиян Оьмаровул маслихат бунни журналлал, кказитрал хьуними редактортурал, корреспондентьтурал лакрал шьравалавун биян подписка дайдирахьсса ппурттуву, ялунмай ва иширахагу уртакьну зун.

Бусунни ванал, Дагъусттаннал Чичултрал союзран 90 шин хъанай духьувкун, ва юбилейрайну цукунсса давуртту дуван хIадур хьуну буссарив. Аьрасатнал Чичултрал союзрал справочник цу буккан буллай бушиву, союзрал гьану бивзминнаяту кказит-журналлай чичлай бушиву, Поэзиялул театрланувугу, Союзравугу дуклаки оьрчIашалсса хьунабакъавуртту, творчествалул мажисру ва цаймигу мероприятиартту дуллай бушиву. КИИЦ лавгунни халкьуннал цалчинми шаэртал Аьбулла МахIаммадовулун ва Сулайман Стальскийн 155 шинал юбилейрду дувантIиву, 150 шинал юбилей дувантIиву Дагъусттаннал литературалул классик МахIмудлун. Апанни Къапиевул 115 шинал юбилейран хасну итабакъинтIий бур ваналгу, Наталия Къапиевалгу оьрмулул ва даврил ххуллия бусласисса буклет, Лакрал театрданул республикалул шагьурдай ва районнай ккаккан бувантIий бур «Невыплаканные слёзы» спектакль, Аьлибек Тахо-Годил цIанийсса Национал музейралгу Апанни Къапиевул творчествалул хас бусса ккуркки стол бувантIий бур. Ссуттил дувантIий бур шаэрнал творчествалул хас дурсса вечергу.

Лакрал литературалийн ва культуралийн багьлагьисса цайми масъаларттугу гьаз бунни.

ПатIимат РАМАЗАНОВА

Лакрал халкъуннал учаларттава

БитИикъукъулту ницIайн батIайссар.

БуриIийн газу тапшур дурну дур.

БуриIия хIухчу къашай-ссар.

БакI бакъасса чурх жаназар.

Бюхъу акълулул лишанни.

БувчIайнан гымлийнугу бувчIайссар.

БакIрал акълу – къуш-линсса дуланмагъ.

Вил бакIрануксса ттул ччаннан кIулссар.

Винна инара дард машиан маласларда.

Винна дуки, чин лаххи.

Виламур акълулий чул бища, чилмуниху аякъа дува.

ВичIи дилуша. Амма цIу-къавххумур мабусара. Шув-ххури? Жавабмур тара цIана дула.

ВацIлуву чакъалгу, ницIаву хъангу чан къашайссар.

ВичIи диша - пикри бува.

Вияра ялавайманаху ургу.

Винма кIул бакъамур кIул-нахъ цIухха.

Вила акълу винма бити.

Виятура инара цIардугу мадуларда, вила инава окъику мауларда.


Виламур махъ – шулт-туйн, ттулмур – цавайн?

Виричунал махъ цар бикIайсса.



«Илчи» – маслихIатчи Цуллу-сагъшивруцIунсса маслихIатру

Интниасса, ванишал дуркIсса гъилишивриясса, шюллишивриясса ххаришиврушал архIал чан къашай лагма-ялтту чантI увкусса ушу-шулгъилиясса нигъу. Хаснува суцIурдиясса. Жухунма бахчиларчангу, жунма аьркин бакъа чIаларчангу, суцIурдилгу бухъунссар аьршарай цалва биттур буллалисса бигар. Табиаьтравусса яла кIулши думур жанаварданун инсан ккаллину ур, мунияту, аьршарайсса лирчIми затирттал жунма зарал биян къабуван, жулва жува цал ххишалану мюхчан буван аьркинхъунссар.



аьршарая, урттурава лахъайссар ккаччи-читрайн, вайннуятугу – жулла хIаятирттаван ва къатравун. Агарда зулла участокрайн шярал ккаччи-читри бухлахисса тагъар духъурча, ва кIанттуху къулагъас дувара. ИчIаллил ккаччи-читрайн тIурча, бутIин аьркинссар суцIру къалачIунсса, вай ххинил бувансса кIунтIру ягу спрей, лаххан вайннуйн хасъсса ошейникру. КъатIату шаппай бувкIтари ккаччи-читрах цал ххишалану буругира, лачIунсса хIалулух, дохъ дусса кIанттух луглай, вайннуйх заназисса суцIру ххал хъунтIиссар зун.

Эфирданул аьгъушивуртту

Жува табиаьтрайн, къурув нанийни, чурххал чIалачIими кIанттурдайх дурккун хъинссар суцIурдин къаххирасса эфирное масло. Бувсса экспериментирттал хIасиллайн бувну, суцIру яла нигъабусайсса бур эвкалиптрал, михакрал, гераньдалул, лавандалул, суврарал ва чайлул мурхьирал аьгъушиврия. Вайннувацца ччимур масло аптекрай кIапикIирттан дахлай дур.

СуцIурдин къаххирассар баргъ

Цуппа чIивинугу, суцIлил инсантуран ва ккаччи-читран хъунмасса зарал биян буван бюхъайссар. СуцIлил къацI учаву цуппа кIулвагу къахъун бюхъайссар. СуцIурдин, гъилишиву ххиранугу, къаххирассар кIиришиву, баргъ. Мунияту вай яла ширивкIуну бикIайссар кIюрххил ва ахтакъунмай, баргъ кIири къабувни. Вайннун ххирассар лабикIлан лахъсса урттуву. Мукунна ванил-танит бакIурдаву, мунияту ахъуву салкъи хъун мадитаванни цIинцI, рирттусса урттуралсса тIий, ххуку дурсса мурхьирдал къартралсса тIий.

СуцIурдин къаххирасса уртту-тIутIи

КIяла тIутIи (персидская, казская, далматская ромашка), пижма, сувра, лаванда, розмарин, машаку (шалфей), ттуккулцIу, михак (гвоздика), герань, лаччи, бархатцы – вайнна суцIру нигъабусайсса уртту-тIутIи. Ахъуву вай дугъаврицIун, суцIурдиясса мюхчаншиврун къатлул хъхьчIун, ахъувун зуруй цал вай ххяххиярттал настой пурх увкуну хъинссар.

Ккаччи-читри – суцIурдил транспорт

Гъилишиву ххирасса суцIру


Яла мюхчанмур къяйда – прививка

СуцIлил къацI учирчангу, цIуллу-сагъшиврун нигъкъадикIан клещевой энцефалитрал прививка дурну хъинссар, амма ва дурну махъсса иммунитет хIасул хъуншиврул кIираниужмардуяр чан дакъасса чIун аьркинну дур. Гъарца шинал ва прививка дувайсса инсантал жулва билаятрай чансса бакъассар.


Гухунмайгу буссар.

ХIадур бувссар Бадрижамал АБЛИЕВАЛ

МАХIАЧКЪАЛА



Гъавалул тагъар



ГЪУМУЧИ



Газета «Илчи» (Вестник)

Учредитель: Агентство информации и печати Республики Дагестан

Хъунама редактор: Къардашов Р. Аь. Тел.: 66-00-59

Хъунама редакторнал хъиривма: Башаев Р.М. Тел. 66-00-59

Редколлегия: Адамов АьбдурахIман Аьбдулаев Сапарбаг Аьлиевич Аьлиев ХIажн Сулайманович Исрапилов Артур Анварович КъурбанмахIаммадов Чанкура Рамазанович Маммаев Сулайман Нурагтинович МахIаммадов Юсуп ХIамидович Хаппалаев Аслан Юсупович Хасаева Гульшан Рамазановна ХIажимирзаев Зиябуттин Абусупиянович Шалласуев Шалласу Рамазанович Эльдарова Роза ХIажиевна

Отделлал редакторгал: Аьбдулаева А. П. Аьдилов ХI. А. Рамазанова П. ХI. Тахакъаева З. К.

Корреспондентгал: АьбдурахIманова З. Т. Аьлиева Б. Д. Саидова И. А.

Корректор: АхIмадова А.И.

Кказитрал компьютерданул цех: Абакарова К. Н. ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайссар чивчуманал. Редакция макъалалул залуннал пикрилий рязину бакъахъурчагу, макъала рицайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачичайссар ва ми залуннахъун зана къадайссар.

Кказит буккайссар ножмардий цал. Шинай итабакъайссар 52 номер.

Кказитрал индекс. П7046 Тираж – 2002 экз.

Адрес редакции и издателя: 367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а Срок подписания в печать 19.00. Подписано 19.00.

Цена свободная



4 651116 280051